





竹堂類稿卷四

七言古詩一

周瑜手植柏歌

吳趨萬井相蟬聯中有蔚藍古洞天城市之中構
林壑繞植花木疏清泉太乙壇西有古柏森森翠
蓋撐檐前孫吳都督手所植秋霜春雨經千年其
身兩人不能抱高枝曲屈排蒼烟蒼龍蟠空鱗甲
動欲飛不飛勢蜿蜒昔公天生梁棟器樹功誰敢
先著鞭帳下名材亦林立唯杞與梓楠與楸赤璧
一戰收衆力摧枯拉朽無逌澶乃知樹人如樹木



是唯良材節乃堅。豈曰卷曲臃腫者不材之木。天
始全將軍大樹今已矣。此樹婆婆今尚傳。

碧桃書塾與張補梧趙開仲張景謀王惕甫

沈桐威芷生伯仲分課得如字

鼠銜薑魚蠹書書生結習老不除。語言不已作文
字每逢書史獵且漁。偶為詩篇餘技耳。抗志亦復
追黃初。鄴中曹劉雄七子。今其名字輝璫與吾儕。
希風古作者羣公承。蓋吾扶輿羣雅有材一百五。
英華秀氣爭含咀。文章泝流斷姚姒。其餘經訓咸
留畚。月鍛季鍊法古法。以文相會毋煩疏。淋漓元

氣渺無侶。真花碎錦囊中儲。座客既滿尊酒設。秋
菘春韭臚園蔬。詩雖不成議無罰。金谷舊說毋妄
据。絮羹歠醢禮數畧。爐香茗椀塵心祛。酒人酒政
苦齷齪。詩人詩品傷齷齪。我詩無式酒無量。意取
真率誰睢盱。良禽擇木士擇友。世人結交徒苞苴。
豈知風雅乃存道。當筵投報紛瓊琚。今宵東南雲
五色。太史應奏

承明廬經緯天地仗文事

聖人求士連茆茹。勿嗤明經但青紫。高文典冊需
相如

游小有天園登琴臺觀司馬溫公摩崖隸書
昔聞琴臺名今訪琴臺跡臺上彈琴者為誰歲久
唯存一片石襄陽老人楷法工大書深刻山之額
千載猶如新發硎一波一磔森戈戟摩崖古隸更
奇妙玉環飛燕參肥瘠相傳司馬溫公書千金一
字驚心魄上書家人之卦詞後以中庸補其隙蘄
然筆力照眼新榮光燭天夜奕奕始知呵護有鬼
神木客山魃皆辟易不然魯辟周冢書藏之秘密
猶狼藉此字何人與護持至今完似趙城壁彼夫
劇秦文章詛楚字流傳徒令人指摘何如此碑尊

聖謨千秋萬歲輝巖穴

憨憨泉

粵稽餉餉師生在梁武年卓錫此山住鑿石逢清
泉泉生石中無泥滓一勺之多常瀰瀰海湧山中
海涌泉此淵然者毋乃是世間泉石爭嘉名此泉
獨以憨憨行惟恐當世知其清福天所吝清才
人所嗔師憨泉亦憨以憨全其真

劍池

劍者一人敵帝王不為寶胡為隘問殉墓中遂使
秦人坐幽討鑿成雙崖若壁立其深千尺不可考

清泉一泓渟石中淵然不著纖蘋藻厓間藤蘿生
紫花凌空影向波心倒其巔架石為飛梁輔以朱
欄鈎了鳥轆轤雙綆垂銀床軍持上下無昏曉孤
桐百尺旁無枝綠雲幕歷晴檐繞雲泉風壑字如
斗謾謾松風出林杪我聞平津之劍化為龍此劍
豈肯埋荒草祖龍求之等刻舟當時有無事亦渺
而今劍亡人亦亡楚弓得失誰終保唯有山中入
定僧聽水聽風秋夢好

千頃雲

黃山雲海天下奇此山豈欲伯仲之濛濛雲氣不

知處姑以千頃約其辭山中有古德生在咸淳時
乃從山頂築丈室四圍山色憑欄宜大山小山屈
指不可數唯有空翠凝檐楣室無可名名以雲妙
義蓋本蘇公詩我聞雲為天地之靈氣忽生忽滅
無定姿倏然白衣變蒼狗千態萬狀窮端倪空空
太空初無跡豐隆幻弄等兒嬉雲雖千頃寔烏有
以雲名軒將奚為山中人曰嘻強作解事真小兒
此雲乃我山中物不持贈人但自怡世人且不及
浮雲浮雲萬古長如斯

試劍石

盤石大如象一劍中分之山人但稱試劍石不知
試劍者為誰豈是干將莫邪之所鑄精金百鍊柔
如菱丈夫剪髮婦剪爪鑄成寶劍雙雄雌爾時欲
試更無物以剛克剛惟石宜手起劍落手不知其
鋒犀利嗟神奇陸剗虎豹水剗蛟螭山鬼夜嘯猩
猩晝啼秦客視之忽下拜連城聲價如風馳嗚呼
此劍宜乎僂讐越斬佞誥胡為黨邪醜正枋倒持
坐使靈胥伏劍死廿年終覆黃池師嗚呼瑩冰凝
霜之器不可得青青石骨今不移摩厓三字勢完
好紹聖之歲升卿題試劍石在劍已亡猶令行人

相視生嗑唏

山塘種花人歌

江南三月花如烟
菡花人家花裏眠
翠竹織籬門
一扇紅裯入市花
雙鬟山家築舍環
山寺一角青山藏
寺裏試劍陂前石
髮青談經臺下巖
花紫花田種花號
花農春蘭秋菊羅
千叢黃瓷斗中沙
的皜白石盆裏山
玲瓏山農購花尚
奇種種種奇花盛
篋籠貝多羅樹傳
天竺優鉢曇花出
蠻洞司花有女賣
花郎千錢一花花
價昂錫花乞得先
生冊醫花世傳不
死方雙雙夫婦花
房宿修成花史花

陰讀松下新泥種菊秧月中艷服栽鶯粟花下老人號花隱愛花直以花為命譜葯年年改舊名菟蘭月月頒新令桃花水暖泛清波載花之舟輕如梭山日未上張青蓋湖雨欲來披綠簾城中富人好遊冶年年載酒行花下青衫白恰少年郎看花不是種花者

○ 劉石菴先生家藏文衡山畫山水歌

宣和書畫散無蹤妙手近數衡山翁皴山點樹古法工尺綃寸紙琬炎同銀牋疊雪墨采融南王北董兼所宗盤迴鳥道開蠶叢徑路絕處風雲通當

年收羅歸

禁中臨軒展卷天霽容淋漓妙墨春雲濃賡颺上繼唐虞風諸臣讌坐

重華宮內官捧出紫泥封口宣

帝敕錫汝墉藏之什襲黃羅重君臣相悅古所崇中外倚公

帝眷隆寓意知水仁山中豈惟邱壑娛心胸

西磧山人歌

春雲靄靄生春山山人結屋雲山間雲與山人作儔侶山人踪跡如雲閒山人愛山兼愛竹屋外三

竿兩竿綠春雷一聲籟龍驚繞屋檀欒抽碧玉西
溪流水聲浪浪溪上綠陰無夕陽山人睡起不知
處一簾清影疑瀟湘山人無事終歲讀架上有書
七千軸食有杞菊無膏梁衣有薜荔無紉縠一壺
酒一張琴入林不密山不深門前落葉秋不埽山
人蹤蹟無人尋

黃山看雲圖為休寧汪生賦

我聞黃山三十有六峯峯頭雲氣秋蓬蓬軒轅鍊
丹此山住圖經刻畫仙靈踪諸峯峨峨雲靄靄蒼
然一峯峙雲外幻作千峯萬峯影誰歟妙筆工圖

繪匡廬之秀雁宕奇黃山兼此復過之摩天戛日
勢無兩雲梯百級尤嶮崎峯峯擁雲擁翠乳竇
霞城處處是桃花蓮花峯更奇花裏神仙恣游戲
神仙彷彿排雲來雲中露出金銀臺珠函玉壺事
恍惚龍潭石筍形崔巍名山真箇生名士天以烟
霞錫之子直教放眼雲霄外豈肯置身邱壑裏我
生非無山水緣濟勝難似登青天白草黃沙燕趙
地筋力徒爾勞羈羈今年倦游息煩殆夜夜碧溪
夢歛乃終謀泉石療膏肓携手天都看雲海

題家雲根自寫春江覓畫像

雲郎工畫兼工詩誰為其師源與維模山範水性
成癖詩寫不盡畫繼之吳中巖壑秀且奇嵐浮暖
翠風生漪胚胎化工作粉本皴山點樹無不宜孤
舟獨往春江湄筆牀硯匣相追隨雲烟過眼即烏
有兔起鶻落猶嫌遲宣和畫院諸小兒墨守故紙
無靈思後有作者倪與米各闢門戶岐中岐雲郎
力掃舊町畦求之造化皆成師偶開素卷作小影
十水五石消九糜我聞吳頭楚尾山九疑大孤小
孤雲委蛇我欲尋詩子覓畫我將與子平分烟霞
泉石之奇姿

撒帳歌

有序

漢人京房制撒帳之儀吳人婚者髻為故
事但歌詞俚俗不稱嘉禮爰撫其舊譜補
以新文陳子元吉臘月八日合巹寄呈吉
席以申頌言

今夕何夕吉日良辰錦茵十襲華燭雙銀垂垂斗
帳覆紅雲中有亭亭雙璧人犀錢玉菓盤中陳聽
我撒帳歌詞新撒帳東雙星生長蕊珠宮圓璫方
繡飄香風雜佩贈之聲丁冬撒帳西鬱金堂上燕
雙栖雜花生樹羣鶯啼郎君名字輝金泥撒帳南

同心羅帶結紅藍天上麒麟銜玉函
垞中香草花宜男撒帳北
婵娟當貯黃金屋柳枝桃葉房中曲
一生緣分三生福撒帳上博山爐內
雙烟颺鈿影釵光燈灑漾良宵容
易紗窗亮撒帳下笙簫響徹
鴛鴦瓦花香月色千金價迢迢蓮
漏壺中瀉

白沙泉

有泉有泉曰白沙出于西蹟山之麓
湖中之水蓄山根茲泉汨沒嘆泥
漉湖之水濁泉水清濁者萬頃清
一掬人心雖欲分涇渭其勢不敵
誰肯服今年天旱湖水縮泉水忽
見波如穀酌之冷然沁人脾惜不
曾逢盧與陸湖山有羨沈淪多通
人肯執山經讀先人邱墓此山中
留我秋深薦寒菊

瘦馬行

養馬長苦瘦養女長苦醜駿馬一疋
千緡錢富人金多易婢娟吳趨女兒
歲三五剪趾修眉態楚楚千錢放
客窺春妍萬錢行酒長筵前爺孃
論財不論耦嫁作邯鄲賈人婦邯
鄲賈人廝養材鴉挾彩鳳鴉為媒
吁嗟兔絲心願托高樹枝引身附
蓬麻轆轤終奚為

迎神謳

粵人好鬼楚人好巫吳人迎神觀者塞途朱旂旆
旆圖豹貙弓刀千騎擁武夫黃羅為繖九曲枋二
四健者舁綵輿美男兩行洗馬驅絳唇綠鬢嬌如
姝此隊行裝最俏僻短後之衣雙窄袂亦有鹵簿
行康衢辟人于道聲傳呼金字如斗署偽爵王侯
將相信筆書輝煌滿路旂旄旗綵絲金縷蟠龍輸
提携傀儡若兒戲詭云朝覲之元都傾城士女如
風馳交鈿接舄出里閭金錢壽神曰天餉倒篋不
惜千緡輸問神正直聰明無遭此戲弄不少詛毋
乃淫昏之鬼乎偶憑土木殃羣愚

山塘觀競渡作

榜人擊鼓清江湄造舟為龍五色施廣約丈許袞
徒之縵紛綵結旌幡旗船舳兩行弄潮兒波心激
刺跳珠璣水窗四面鑲玻璃艙中簫管吹參差龍
鱗片片撐之而鬢鬢綠縷鬢與鬢汲水入腹噴以
頤咳唾亂落生瀾漪當中繡繖蟠蛟螭猩猩血染
哆囉呢娉婷對立雙雛姬蟬雲覆額香風披錦衣
玉兒出世姿歌喉一串探牟尼一舟出港千舟隨
錦標爭奪得者誰乘船如馬爭驅馳衣香人影風
中吹江上落日遊人疲龍舟歸去如山移欲歸不

歸蓮漏遲明燈萬盞星交輝游人夜在船中宿酒
賽真珠饌賽玉明朝歸家典春服三百青銅一斗
粟

松坪玩月圖為王東卿賦

松風如濤月如水伊人趺坐松陰裏風月原無常
主人伊人標格清如此我身既悟清靜因此聲此
色皆塵爾不然明明一輪月望何為生晦何死廣
寒之府何清虛瓊樓玉宇渺何里娥竊何葯能奔
之桂何如樹靈根徒吳剛何怨日斧之西河所學
是何旨修者八萬三千戶其功何終復何始蘆灰

環月月何暈籠月入袖是何技蚌蛤盈胎魚減腦
是何靈物能同揆纖阿望舒御月行彼何氏子承
何指何肫何眊復何蝕兔何如獸蟾何豸佛言大
地山河影參之諸說何者是君如玩月玩不足我
臚舊聞令君喜古今積疑誰與破且將畫理參禪
理

選

項羽墓

鼎可扛山可拔天命不可爭爭城爭地空轆轤昔
者君王兵起時洶洶秦漢何雄雌歎邯鄲亡子嬰
繆關中號令如風馳咸陽屠阿房火父老苦秦猶

虎狼以暴易暴。如何可楚軍。鴻溝東漢軍。鴻溝西
君。王。手。執。生。殺。權。坐。失。事。機。將。誰。詆。鴻。門。驚。風。吹
大。纛。漢。家。君。臣。俎。上。肉。壯。士。空。迴。坐。中。劍。將。軍。頻
舉。腰。間。玉。君。王。胸。藏。百。萬。兵。七。十。餘。戰。良。猙。獰。八
千。子。弟。渡。江。水。空。殉。君。王。同。日。死。吁。嗟。我。楚。滅。秦
漢。滅。楚。垓。下。震。天。擊。鼙。鼓。獨。不。見。君。王。楚。歌。妾。楚
舞。英。雄。兒。女。皆。黃。土。

泰山

渡河千里無凹凸。忽遇岱宗橫。截嶽中嶺平分齊。
魯雲高峰猶積義。皇雪此去川原足。清曠况挾風。

霜更高潔大石嶄嶄小齒齒。勞薪觸石聲如齧。千
盤鳥道凌雲霞。萬間佛宇藏巖穴。壺嶠多歸掌握
中。龜蒙退就兒孫列。吾聞邛邛之坂路。九折王郎
畏險迴車轍。古云孝子不登高。望鄉惟見雲明滅。
雲麾使楊澤山索鐫石章作歌報之

我生愛鐵筆。制作追皇古。帝羲臣頡。不可攀降從。
八體尋規矩。殘字共寶鴻。都經闕文。莫補岐陽鼓。
岫嶠豐碑。點畫竒後人。訓詁譌魚魯。雲麾將軍風。
雅材書畫取法宣。和譜出石索鐫蚪。蚪文琳琅如
入瑤之圃。君家升菴嗜書學。旁搜彙鼎臚簞簞。一

編索隱隱未索典型雖在人爭侮草元亭裏風流
存羣英時與揮設塵我願從君問竒字君無數典
忘其祖

冰嬉

北風吹水成琉璃寒生天上濯龍池南海北海兩
鏡披金鰲玉竦中間之丹脣皓齒邯鄲兒後執弓
矢前摩旗身衣繡衣蟠蛟螭帽檐覆額元貂皮遠
游文履五色絲承以鍊鐵銑如錐疾行冰上爭驅
馳縱橫周折無不宜枯楊夾岍風參差錦棚綵球
飛帶垂射夫絕技穿楊枝再發再中無高卑五華

隊合雲逶迤當中

御幄行遲遲雙龍夾輔撐之而金鎗豹尾相追隨
天顏喜兮近臣知作歌不讓卷阿詞

顧湘碧有書自成都來喜而有作即以奉報
襖也侗儻才軼倫北走燕趙西走秦我因射策至
都下相逢遂展平生親豐臺三月花如茵詩牌酒
盞消芳辰我今南歸君入蜀棧雲峨雪傷我神容
貽錦江雙錦鱗故人尺書墨濡新故人無恙在天
際春風強飯言諄諄

清時郊數羅鳳麟草茅一士無沈淪元亭諸客皆

臺省君胡落拓奔風塵我知君非長貧者明年遲
君魏闕下

亞父城歌

項氏起江東一嘯聚萬夫五年卒敗亡天乎抑人
乎秦人失鹿金甌碎山東諸侯起海岱楚師長驅
入函關英風百進無一退偉哉亞父人中豪楚臣
碌碌誰能逮築城歷陽踞形勝襟帶長江環腹背
右控天門左瓜步秣陵蔚蒼遙相對古來人傑地
始靈父老至今思遺愛一墮陳平反間中坐使雄
封弃如凶瑣瑣君臣誼不終長城自壞何其諄君

不見鴻門酒酣士操戈舉玦舞劍謀孔多有臣如
此不能用安得豪傑歸網羅

韓范歌

趙家南渡金甌殘誰為干城岳與韓背范軍士獷
如虎敵人聞之心膽寒咄哉咸陽主和議坐使中
原垂手棄鄂王既死斬王歸諸軍解甲歸田里清
涼居士山中居兩宮不歸汴社墟背范人散范亦
亡沈淪江水千年餘江上漁師夜舉網范乎范乎
出重浪非餅非壘不知名腰腹彭亨耳四向歷陽
刺史博古家珍之一日三摩挲青絲為繩紫檀座

春風還供洛陽花

悼景書常秀才

嗟哉景生胡不辰盛年客死秦川濱尋常雖死猶
可說嗟君獨遭凶短折憶君別我吳門道當時分
手殊草草謂君與我皆少年更為後會旦夕間豈
知一別七寒暑疇昔風流散如雨甲辰得子秦中
箋清言累幅文盈千讀之歡喜忘寢食宛如對子
之顏色此後三年音信稀忽聞凶問驚魂飛初聞
疑信尚參半道路傳言猶誕謾繼逢趙子開言之
詳方知信矣非荒唐君死吾不知月日但聞旅櫬

歸幽室君之魂魄無不之君其聽我招魂辭

紙織山水幃

閩人削紙細于髮陸離五色如雜組織成山水禽
獸形變化烟雲析毛羽繁花瑣碎交枝萼采縷歲
蕤施藻斧初疑繡段美人貽或言雲錦天孫補安
帖應教金斗熨光明不藉冰蠶吐嗟哉人巧奪天
工繪事雖工不足數

選

游金山江心寺

我過金山十五度而後乃今始一登既登山頂心
未已直造浮圖第一層江風浪浪吹我襟江水激

石驚雷霆岷峰發源幾千里耿耿大荒如玉繩東
望扶桑日初出紫霞千重高捧日殘星欲滅猶未
滅青天去人不盈尺山中白雲招我歸謂我浪游
計非得我非奔走于四方安能親見此奇特

丁未孟春之月偕計將行陳容園三文賦詩

送別即次元韻奉報

丈人詩法追黃初含毫四顧心踳踳蓄畬一經貽
孫子餅壘不謀旦夕儲雙枝玉樹生庭除畫師摩
詰文相如紀羣兩世締交久神密不妨形跡踈郎
君今年賦子虛姓名上達承明廬平生言行重鄉

里文章小技乃其餘

聖人在上求賢儒春風早盼泥金書直教畫省傳
三語始信文園富五車

五月十五夜月蝕古之言月蝕者紛如聚訟

詩以辨之

雙丸出沒有常度每當三五遙相望青天萬里無
隔闕譬諸寶鏡交清光清光有時蝕亦屬天運之
尋常其事初不闕灾祥不然何以天官家推測曾
不差毫芒乃知月蝕非真蝕乃山河大地之影由
然隔于中央如鏡在匣光斯藏如日天變乃至此

何以持籌布筭可以測量彼夫班生五行志徒以
私意窺蒼蒼是未可與設陰陽

觀放水燈者

長淮映月清若空秋光萬頃磨青銅神人九淵鞭
燭龍火珠迸出鱗甲紅繁星千點散穹窿寶珠一
串牟尼同玻璃碧色蛟人宮木難火齊霞千重蓮
花朵朵瑤池中波光摇曳天無風觀者坐久斗柄
東華鎗明滅玩不窮城頭夜鼓聲鼕鼕

邳州

蕭蕭青陵樹曖曖黃石山彈丸下邳城介在兗徐

間新城百雉何崢嶸舊城淪入河之水城郭為沼
人為魚維良有司拯其死浩浩洪流流不止西望
崑崙幾萬里決之淪之乃良策安有隄防可千禩
逍遙堂述事

梨園子弟爭芳妍中有粲者妙若仙二十不足十
五餘雙雲覆額容嬋娟撞鐘擊鼓開長筵中堂華
燈鏤九蓮血色耀瑜軟鋪地清歌一曲聲聞天登
場蒼鶻鬚鬣參軍學語聲絲蠻英雄兒女各有
態座客聽之無間言曲終行酒四座間似曾相識
秦淮邊偶談舊事頗了了賤子當此又破禪青溪

故人散如烟或者珥筆升雲天我居荒城苦岑寂
忽然遇子緣非慳胸中塊壘積十年澆以淳酒鯨
吸川當筵醉倒客勿笑人生行樂胡拘牽明朝送
子登歸船我將贈子瑤華篇子歸吳門長聲價纏
頭不數黃金錢

送同年李許齋之官浙江

酌酒與君別送君出國門人生離合偶然事臨歧
何必言消魂吾聞古之富人贈人財貧者無財贈
以言賤子竊附于斯義芟莠之獻詞非煩知縣七
品官于爵未為尊

朝廷特矜重此意當討論

國家建官九品十九級上自公孤下及里胥與監
門無非因人以成事其職專一道易博孰如知縣
知一縣分以土地付以羣元元宛宛赤子在襁褓
一衣一食皆須慈母恩僕遊江湖近十稔目擊利
病約畧窮根源簿書委積歸幕府號令出自令史
庖與閭一人聰明偶不照四境以內生煩冤官人
坐享清宴福居則燕寢行熊轡娛情恣聲色樂志
營林園風流溺文史會計謀泉源數者雖分賢不
肖其於曠職同一原眼中之人惟吾子古人典型

選
今尚存讀書但識忠孝字。奚必三倉五雅常。瀾翻
浙水東西半山縣。居民風俗猶廉敦。鄉村父老畏
官府。匍匐訟庭。古自捫。雖有隱微不能達。豪釐一
謬。寃覆盆賢侯聽訟如家人。臨軒顏色常溫溫。耕
夫織婦之疾苦。但所能為勿惜手。為援更有一語
備。君采儉以養廉。古訓不可誼。布衣蔬食亦佳話。
何必貂褸被體方。丈恣炮燔愛君不覺語。鄭重諍
乃士友君可原。

赤松詞

君不見荆軻七首張良椎秦王不死天所資。亡秦

選
者胡二世耳。山東豪傑羣興師。當時諸侯漢最賢。
舍漢不歸將何之。漢王天授非人力。赤符自應爰
精期飛鳥既盡韓彭醢。功高之臣累卵危。昔日曾
籌坐上箸。今朝甘作囊中錐。世間那有赤松子。姑
妄言之辭禁闥。早知雲笈長生術。肯作圯橋亡命
兒。

高山采芝曲

蕭蕭鳴騶陟彼崔嵬。山中之人飲露餐芝餐芝飲
露忘其饑。伊古夷齊曾采薇。世不我知命也奇。朝
秦暮楚將誰依。漢皇有天下四海畏其威。誠欲廢

太子羽翼奚以為異哉四皓不臣漢不臣于父臣于兒宮中敕使徵遺逸遺逸已來帝不知

選

歌風臺

阿房一炬延三月咸陽千里流膏血真人挺生芒
碭間驅馳六合烟塵滅山東諸侯爭雌雄鴻溝畫
地分西東文有良平武信越翊贊中外能和衷高
皇將將真神武軍中士卒如熊虎明修棧道度陳
倉東滅田齊西滅楚齊楚既滅四海清三章之法
安輿情論功不忘楚三戶定禮還徵魯兩生憶昔
義旗泗上起帝心乃眷興王地父老多邀舊里恩

公侯堪作長城倚大風起兮雲飛揚對酒當歌聲
慨慷直教萬歲千秋後魂魄依依懷故鄉求賢不
憚三薰沐帷幄運籌多啟沃帶礪長存世世盟粉
榆永聽家家復普天之下率土濱兩漢相傳四百
春赤符運謝爰精熄二十五陵飛劫塵於戲五年
三嬪如晨暮艱難王業更風雨誰謂大言少成事
人心歸兮天心許終古荒臺在廢郊蒼茫野草燒
痕焦摩挲斷碣辨殘字秋風蕭瑟秋霄高

俞東川選士攜示徐霞客像走筆題之

僕於世俗少所酸鹹嗜好輒相左不恨我不見

古人嘗恨古人不見我萍水都緣前世因雪鴻直
證他生果萍因雪果有誰知燃薪既盡傳其火世
人但知現在身安知過去凡幾塵水之逝者不可
歸今花非復前年春古今善游稱此人此人與我
平生親松姿鶴骨畫中貌對之宛然逢故人昔聞
其言今識面曰假非假真非真天之蒼蒼無所極
網緼二氣相埏埴其初無始後無終斯理至今人
不識昔君識我我為誰我今對君君不知黃金鑄
君金易毀買絲繡君亦已瘞作歌告君酬君酒如
在天台題壁時

乾隆己亥僕于役暨陽客有善扶鸞之術者有
仙降于箕署名霞客呼余故人叩其夙因則曰
君蘇臺酒狂也平生任俠與世寡合侘傺以終
猶憶天台石梁曾共題壁飄若鸞鶴既因家累
中道分攜今吾已證仙班而故人猶是拖泥帶
水言之可為浩歎云云夫神仙之說荒唐不經
然人稟陰陽之氣以生聚而散散而聚不必盡
自輪迴來而謂竟無輪迴亦非通人之論若箕
所云在可信不可信之間其後十二年僕奉職
都門忽覩斯卷追觸往事如逢故人為之慨然

爰走筆作歌題之然三世之說儒者弗言偶然
寄託之辭觀者仍不必盡信可耳

選

題李季史青城採藥圖遺像

嵯峨青城山上有不死草神農未曾識仙者服之
以成道蒼蒼巖下松歲久化為龍携鏡劒茯苓雲
深迷其踪金丹未成仙者死蓬萊清淺桑陰穰蜀
山青兮蜀水碧此中聞有仙人宅山虛水深不見
人欲往尋之路無跡峨嵋飛雪融為川蒼崖石斷
雲鈎連君行採藥求神仙山中踏徧芒屨穿昔之
童子今華顛嗟君往兮歸何年

鐵卿先生作草書見贈走筆奉謝并乞書獨

學廬額

鍾王妙跡天下無後生意造人人殊但從石本索
髣髴千樛萬拓異瘠腴此事蓋已觚不觚有唐作
者歐褚虞刻畫晉人如守株繼以顏柳之楷顛素
草龍文虎脊爭馳驅各出奇妙破古法當其懸解
歸同途其中魯公尤橫絕力開冥冥平崎嶇爭坐
一帖薈衆妙陶鑄二蔡黃米蘇鷗波一家特超越
宗唐祖晉窮毫銖尚恨今人不如古天馬欲補心
跡躡甘將草聖尊鮮于吾師墨妙羲獻徒採擷精

液遺其麤臨池忽奮蒼鼠鬚淋漓大筆滿紙濡飛
龍夭矯翔天衢東雲一鱗西一爪變化出沒力破
拘雙管疾掃分生枯秘密直摘驪頷珠嗟乎妙哉
百世模百朋錫我生懽愉錦綈十襲珍璠璣懸之
素壁日相對手不能追心與摹緣此更生無厭想
饕餮不惜如貪夫宣南新闢獨學廬非公書榜德
恐孤願公擘窠更作此長使麗藻輝菰蘆

和李滄雲給事游極樂寺用朱竹垞詩韻

詩人久奪二蘇席吟風嘯月無虛日茲番示我春
遊詩詩壇佛刹兩生色險韻真能青出藍靈機應

見虛生白憶昨看花曾駐馬逢僧修行長松下乘
興題詩素壁間墨花狼藉今應乾今春習靜蓬廬
下息交絕游常閉闥靜中之樂勝于動如此蕭閒
百歲難及時可樂且行樂兔走烏飛不解還

食筍

會稽之美先竹箭山涯水涓生欲徧穉龍育子大
如拳終年入市如薪賤我生饕餮奚奴諳行厨柶
載千琅玕瘦者作羹腴作脯一餐無此雙眉攢不
見古時饒太守胸中直欲吞千畝若非大嚼過屠
門如入寶山空撒手秋菘春韭味亦都對此不堪

充作奴况遇京華宦遊客大河以北此味無於虜
大河以北此味無交臂若失嗟已愚

浦蘇亭中丞以鮮龍眼見遺作七言長歌報
之

主人貽我雕玉盤盤中纍纍水晶丸瑠璣外澈中
含丹入口化作甘露寒南方嘉果不勝數荔支龍
眼弁其端我來不及荔子熟且食龍眼涎腹寬黃
膚如玉親手削不辭大嚼招笑姆如湯沃雪沁肺
肝欲作瑤漿玉液觀甜如岷蜜十分足橄欖苦澁
橘苦酸江瑶之柱脆且美坡公妙喻真不刊我今

更為轉一解果中此品花中蘭姑許荔支一籌勝
其餘都作輿臺看

皖城謁余忠宣公祠墓

公名闕元末守皖
死陳友諒之難

皖江滔滔界吳楚下接鳩茲上溢浦孤城如斗控
其間東南恃此成門戶元失其鹿天下爭紛紛羣
雄鬥如虎誰為渠魁陳與張淮泗之間起真主惟
公捍禦兩大間擎天一柱巋然柱出奇設伏敵膽
寒身先士卒同勞苦且戰且守七星霜天不祚元
究何補再造難蘄李郭勛孤忠應與巡遠伍清水
塘深落日寒此身可殺不可虜隘門殉節不肯生

妻妾死夫僕死主一軍從死繫千人姓名約畧難
終數么麼草竊須臾間如公大節炳千古英雄不
以成敗論男兒墜地貴自樹請看海寓幾滄桑此
是元朝一抔土

峒嶼碑歌

恭承

帝命巡湘澤駢駢所至蒐奇蹟刻石相傳妣后文
結繩初變軒皇畫封山錫土抱憂危汝往欽哉帝
曰咨終看明德垂千禩何取豐功震一時赤文斷
缺蒼苔剝卿雲糾縵明星錯點畫形存訓故亡鴻

荒事遠然疑作繡衣蒼水漫稱神一孔之儒多目
論囚堯城廢竹書在開母門高石闕存紛紛俗說
多如此神祖聖伏誰知是僉云圖史闕名山遂使
英雄鑽故紙由來好怪是人情常厭三謨二典平
汲冢贖書災竹素雲亭奇字誤蒼生羸權宣鼓搜
荒僻文人嗜古真為癖每從禹甸考山川復向堯
年問金石壁中科斗伏生經今古何曾及此銘誰
信衡山一片石雷碑兩蝕至今青

錢武肅王鐵券歌

有序

按鐵券形如瓦長一尺八寸三分濶一尺

一寸厚一分五釐重一百三十二兩鎔鐵
而成錢金為文其詞曰維乾寧四年歲次
丁巳八月甲辰朔四日丁未皇帝若曰咨
爾鎮海鎮東等軍節度浙江東西等道觀
察處置營田招討等使魚兩浙鹽鐵制置
發運等使開府儀同三司檢校太尉魚中
書令使持節潤越等州諸軍事魚潤越等
州刺史上柱國彭城郡王食邑五千戶食
實封一百戶錢鏐朕聞銘鄧隲之勛言垂
藻典載孔悝之德事義魯經則知褒德策

勛古今一致頃者董昌僭偽為昏鏡水狂
謀惡貫滌染齊人而爾披攘克渠濫定江
表忠以衛社稷惠以福生靈其機也氛祲
清其化也疲羸泰拯於粵于塗炭之上師
無私焉保餘杭成金湯之固政有經矣志
獎王室績冠侯藩溢於旗常流在丹素雖
鍾繇刻五穀之釜竇憲勒燕然之山未足
顧功抑有異數是用錫其金版申以誓詞
長河有似帶之期泰華有如拳之日惟我
念功之旨永將延祚子孫使卿長襲寵榮

克保富貴。恕卿九死子孫。三死或犯常刑。有司不得加責。承我信誓。往唯欽哉。宜付史館。頒示天下。中書侍郎兼戶部尚書平章事臣崔衍宣奉計共三百五十字。蓋唐昭宗乾寧四年所賜。及宋有天下。忠懿入朝。置之廟社。太宗淳化元年。杭州守臣表進詔。還本家靖康之亂。駙馬都尉錢景臻避地至台州。以券自隨。元兵破台。遂失所。在至順二年。漁人網得之於黃巖澤中。錢氏宗子以十斛穀易歸。由是世藏於台。今

錢氏後裔有名選者。以武進士起家。為岳州守。備出鐵券圖相示。因賦此歌報之。

錢王射潮如射敵。健兒十萬飛銅鏑。從此潮頭不敢來。巖城百雉開堅壁。有唐失鹿神州分。羣龍戰野烽烟紛吳越。一隅安若堵。牧圉之捍誰家勳。英雄所貴知時務。真人已出何枝梧。一代酬庸誓券存。六州歸命全軍附。儀同招討舊藩屏。父老沾襟讀舊銘。常使雲初奉朝請。况留廟貌炳丹青。吳山如礪。江如帶。幾度滄桑。此券在十國。蟲沙霸業空。一家鍾鼎君恩大。學書學劍故王孫。鳳翼龍鱗將

種存在昔功名歸信史至今文采屬清門

仙梅

春風未曾來此花處幽獨仙者慧眼明識此非凡
木削石寫其真蕭疎不滿幅豈儕桃李爭春妍淡
淡數花生意足畫梅仙人不歸來湘水湘山終古
綠

選

錢春

浮萍著水春無跡芳草平分吳楚碧春來春去自
年年春是主人我是客當時婉孌少年行紫蘭初
茁春風香銜盃脫畧千金夜騎馬嬉遊百戲場田

園拙守非無政天倫樂事方全盛益壽頻移坐上
花合歡數舉尊前令幾年射策謁金門瑁鏢場中
笑數奔飛絮落花消白日笨車羸馬向黃昏無端
去作諸侯客濟北淮南無煖席桃水難回李白舟
松雲空鏢揚雄宅天人三策奏

官家忽聽白臚唱九華淒涼廿載荆山淚博得長
安一日花從茲索米長安道紫閣彤闈昏復曉搖
落依然宋玉悲委蛇漸覺馮唐老去年杖策始南
征今年又作瀟湘行鳥啼花落誰千古馬跡車塵
我半生未來者因去者果一邱之貉同今古紅顏

黃髮須臾間非我送春春送我

題谷士畹所畫司花仕女圖

此圖成時歲甲子甲癸循環五十祀多少嬋娟化
紫烟畫中顏色終如此脩眉盛鬢世無雙韶齡二
八嬌羅綺絲繡思將叩叩通香薰欲喚真真起十
斛明珠聘麗人蕭蕭白髮忽垂耳安能得婦畫如
卿先我而生後我死相對華嚴小劫中常保容華
若處子

回雁峰

名山如名士相見不如不相識當其未識繫人思

及見令人生太息幼聞回雁名謂是南天一阮塞
下凌無極上青冥雲梯石棧相鉤棘昨因持節赴
湖湘四牡經臨此攀陟塊然一阜枕城南高不十
尋形偏側其趾居民數十家衡扉相望炊烟直歷
歷飛鴻度遠天安論山南與山北一培塿在天地
間豈有雲霄回羽翼山靈終古盜虛聲文士至今
尚雕飾我今因悟相士術以名求士安能得神徂
聖伏大道微後生標榜誇奇特人人學海家經師
自云優入古人域一知半解莞中天雄辨高談無
忤色夜郎自大一室中虬蟉撼樹蝸爭國一邱之

路古今同識者悲之心慘惻我今論山如論人不
唯其名唯其實靈嶽神臯見始真彼昏不知空耳
食

山行放歌

靈運愛山水伐木通其途山人謂為賊所至驚奔
呼向平慕五岳亟了兒女逋及其婚嫁畢白髮秋
蕭疎人生嗜好非一端但有所著皆累吾蠟屐升
峻坂鐫名滿輿區畸人詫為雅識者哀其愚我言
觀山如讀書妙悟所發在一隅觀其大畧斯可矣
何必窮搜冥索坐使精力枯經籍考据失之鑿詞

章涉獵失之誣大道本坦平自我生榛蕪豈云通
谷大都無竒趣故從魍魎猿狖相睚眦我生讀書
七千卷胸中曾無一字儲靜觀萬物皆有得但覺
醺醺至味常涵濡世人積學如積財會計不肯遺
毫銖言如河漢浩無極叩以當世之務皆模糊所
學日深道日遠坐令人笑儒術迂豈知此皆小人
儒釣名求勝無遠謨但居竒貨不可用如操珠玉
行昏衢若夫文章明道器言辨記醜皆為聖所誅
我生喜行役輪蹄習馳驅北走燕趙南甌越深山
大澤所向殊岱宗之高黃河深氣象未許輕範模

三天子都更奇絕千巖萬壑爭奔趨山川磅礴胎
兩戒清淑之氣鍾扶輿造化結構有妙理偶然涉
歷心神娛今來三湘七澤間楚山平遠川迴紆譬
諸鐘鏞廣樂後別彈琴瑟吹笙竽譬諸籩豆大房
外偶隙蔬筍供含咀六經附庸有騷辨樂府不厭
收吳歆舉其一端獲萬理貴挾精意遺其粗俯仰
天地間觸處皆懽愉慧者物其物昧者乃為物所
拘刻舟膠柱拙可哂移山填海亦笑愚公愚要之
至理不在跡蓬萊仙路元虛無君不見蓬萊仙路
元虛無

選

三吾懷古

元結為道州刺史愛其溪山之勝分錫以
名各以吾為義溪曰浯溪臺曰嶧臺亭曰
唐亭其意將據嶧壑秀靈之所鍾以為已
有也其地在今祁陽縣東南五里乾隆癸
丑余將之永州過此

扶輿秀結溪山奇天地公器誰能私漫郎嗜奇乃
成癖所在皆以吾名之臺名嶧臺亭唐亭烟林蟠
鬱浯溪湄偏傍改移叔奇字詭譎上補頡與犧豈
知世間萬事偶然成邂逅一邱一壑非人有瀟湘

如帶繞孤亭。溪山依舊人存否。古今自有可傳人。
不獨溪山能不朽。我持絳節行湖湘。臨水登山意
慨慷。自有天地便有此兩賢。一出遂表章。是時秋
高木葉蛻摩崖。讀碑碑已壞。荒苔繡澀枯藤纏。尋
聲辨畫半茫昧。次山遺愛在春陵。甘棠能下行人
拜。魯公心畫更無雙。忠魂毅魄誰能對。以人傳地
地傳人。觀此可以悟顯晦。不然古木寒泉間。鑿石
題名幾百輩。觀者不能辨姓名。何況平生及時代。
若人雖傳如不傳。傳人別有真吾在。臯夔伊呂不
求名。其名乃似衡嵩大。

選

桃源行

雙旌遙指辰溪渡。僕夫告我桃源路。入室初逢起
定僧。當關少駐尋春步。春風暖茁紫蘭茸。無復桃
花洞口紅。數家白屋風篁裏。一面青山水鏡中。斑
斑崖石蒼苔駁。泱泱飛泉漱寒玉。古木懸厓石作
梁。遊人拾級雲生足。山行十步九盤桓。始信登高
濟勝難。野老尚沿秦氏族。叢祠不改晉衣冠。此中
風俗殊平易。雞黍留賓亦常事。自守桑麻長子孫。
幾曾仙怪誇靈異。高山人老紫芝新。采藥蓬萊幾
度春。當時不少見。幾者豈獨桃源是。避秦問津之

人令接武徵實辨虛無不可世外滄桑亦有無山
中歲月何今古烟簑雨笠古漁師滿地江湖一釣
絲請看門外桃花水常繞淵明舊日祠

慶十一協府惠紅毛酒

協府名慶溥尹
文端公之子

碧山四面圍茅屋嬌鳥啼窗春睡足忽聞軍將打
門聲送來朋酒新芻藪九醞凝成琥珀紅雙瓶映
澈琉璃綠點犀古椀鬥雞缸滴滴真珠清可掬座
中有客古鄒枚遇物能名鄉士林客言此酒紅毛
出主人欲飲心徘徊紅毛古在蠻荒域蝸角蟻封
自稱國筐篚無聞禹貢年侏僂不隸周官職

本朝神武百蠻開海師一出潢池滅鹿耳門高日
脚紅雞籠山小潮頭黑不放鯨鯢運北溟頃看冠
冕通南極萬里滄波萬斛舟驪珠龜貝一齊收遙
通市舶龜茲賈共飲衢尊寄象傳即今此酒陳瑤
席瀛海歸來如咫尺但使銜盃樂太平不煩款塞
勞重譯葡萄馬乳出湟中蒟醬還看蜀道通黃封
銀榼通侯賜紅袖金尊子夜工舉盃邀月三人醉
杭海朝天萬國同無邊春色來何處遙望扶桑東
海東

會溪銅柱歌

蠻煙瘴雨溪州路。溪邊桃李花如霧。楚國將軍舊
駐師。歸然銅柱千秋樹。摩娑苔蘚讀殘銘。將軍曾
撤羣蠻戍。兵氣銷沉戰士歸。墨花飛舞才人賦。嗟
乎八姓十三君。神州草竊空紛紜。廟堂姑息羈縻
計。藩翰張皇戰伐勛。正朔尚尊晉天子。雲初欲附
漢將軍。賑饑大發監河粟。飲至高歌破陣雲。帳下
微盧知致命。幕中枚馬亦能文。真人未出羣龍起
蠻觸。蝸爭自古聞。當時唐失中原鹿。神龍遷流如
轉轂。永巷傳書寄石郎。空勞燕燕雙飛足。一朝戎
馬起。蕭牆半壁河山窘。邊幅拱手燕雲付。契丹空

談楚廣平蠻服積薪救火小朝廷舊聞祇益溪山
辱槃瓠醜類至今存

神武常垂不殺恩。百雉築城屏翰固。兩階舞羽廟
堂尊。詩書未必能移俗。劔戟全消只勸耕。昔日銘
功書伐地風雲長衛伏波營

選

○ 兕觥歸趙歌

琴川著姓尊天水。世德之求文毅始。一代旂常炳
姓名。百年栢棧貽孫子。江陵故相領朝班。相業平
參得失。間奪情視事黃扉裏。此事嗚呼踰大閑。由
來名教書生掌袖中。彈事平明上甲位。言高自古

難錦衣述旨呼行杖杖下羣驚鐵石人朝衫裏血
碧痕新國門飲餞思良友道路扶携看直臣秋風
一舸歸田里異時終為蒼生起帳下彭宣抱器歸
終將義烈酬知己輾轉流傳誼士家公門衣鉢定
無瑕每因清酒頻中聖想見靈犀善觸邪神物經
今二百載故家依舊滄桑改共道金盃羽化真誰
知呵護神靈在覃溪夫子博古家一敦一卣千摩
挲詩筒遠寄作媒合猶恐不當心咨嗟凡事重輕
理須討嗜古何如尚賢好在彼鴻毛此泰山兩家
交易多成寶玉魚金盃散人間此物雖微大節關

當時璧自咸陽失此日珠從合浦還白璧明珠世
人重祖宗舊德曾元誦喬木長留故里春墓田半
出貧官俸先人口澤及雲初孝子慈孫世守能陳
詩述史吾曹職况復鄉人文獻徵

選

古劍篇

君不見見豐城宵光燭牛斗魍魎辟易蛟螭走雷煥
張華不常有又不見黃衫俠客神仙侶白晝殺人
莫爾汝不為君親為兒女古來妙手空空流腰間
錦帶懸吳鉤但將同異分恩讎此劍沉埋不知祀
土花編爛血凝紫想見軒皇戮蚩尤歸來磨洗今

千紀丈夫豈能牖下死侯門彈缺我心恥高密封
侯兩鬢青刻舟之謀烏足齒西望壺頭陣雲靡伏
波營前空壁壘壯士悲歌拊其髀參軍清談令公
喜三尺芙蓉若秋水匣中夜夜光芒起英雄藏器
何時已誰能仗劍統貔貅殺盡羣蠻報天子

西溪老人畫竹歌

我生愛竹如愛寶若無真竹畫亦好蕭蕭踈影帶
雲烟終朝對此開襟抱西溪老人今畫師畫竹仰
奪文蘇奇風晴雨雪各有態筆叅造化非人知我
家滄浪溪上屋屋外檀園森碧玉對君此畫轉思
家夢想琅玕萬竿綠頻年持節楚南遊畫意詩情
觸處收寄君十尺鸞溪絹願取瀟湘一段秋

銀床輓轡曲

梧桐葉落秋雲冷鷓鴣一夜啼金井銀床百丈梢
無聲佳人對影心悲哽當時抱甕人如玉雙垂蟬
鬢澄波綠纏綿古綆似人心百歲為歡憂不足珠
襦玉盃去人間銀瓶落水不知還稠桑路遠知何
處泪浣羅衣石竹斑

竹堂類稿卷五

七言古詩二

南唐官硯歌和治亭先生韻

歙州石液天不緘割雲巧匠窮鑄鏡南唐硯務製
精妙譬諸和璧昆刀剗歐陽居士心鄭重銘辭首
署龍圖銜文人結習先後揆心乎有愛徵咕喃吾
師立朝廿五載省院曹署皆清嚴校書翻畫玉檢
冊典禮判出金泥函南金東箭廣羅網清詞麗句
勤修芟文章之役必携此朝夕不離若史監宗工
上接六一統和羹秘妙非酸醎坐客幸無顛米癖

傳觀不畏逢貪饒手持麋丸日三試金星熠耀眉

紋彭歛石以眉子
紋為最佳

題陸詒齋歸田讀書圖

賢侯倦畫琴堂諾解組歸來載琴鶴故老常懷父
母恩散人自愛江湖樂宦海人人願拂衣幾人容
易遂初歸柴門松菊吳淞畔坐擁書城向翠微

題燕文貴摹王摩詰江干雪霽畫卷

輞川居士畫中聖尺山咫尺水皆神境萬品都歸翰
墨緣一生常抱烟霞性後來秀者有燕生初由擬
議臻神明千巖萬壑在方策觀者如向山陰行雪

霽一圖最精絕蒼靈如蓋繁雲積霜落仍餘木葉
紅天寒不改澄波碧十家五家江上村村人畏寒
深閉門山川一色混茫裏不辨雲痕與雪痕蘆洲
荻港東西路蘆花荻花亦如絮釣客歸家星在留
行人涉水雲迷渡我思昔歲赴湖湘萬里江天一
葦杭行旌遙遙風雪裏下自金焦達武昌大江兩
岼山如織時在瓊瑤炫金碧當時身在畫中行不
覺江山甚奇絕即今埋首軟紅中回首烟雲有夢
通偶因讀畫逢佳境如在蓬壺弱水東

文從簡梅花畫卷

山人舊與梅花約，共向空山守猿鶴。暫抗塵容了
俗緣，終乞閑身踐初諾。頻年京國漫驅馳，回首春
風怨別離。吾家山曲香如海，誰解芳心與護持。文
翁彥可工圖繪，轂材十尺苔枝在。沒影橫斜水墨
中，幽香吐納烟霞外。烟霞標格月精神，妙手寫花
如寫真。風塵不願尋常士，別寫山林出世人。我思
故山時太息，况披此卷又雙絕。幾生修到如花身，
長在山中即冰雪。

選

沈石田畫虎卷

北風獵獵吹林薄，獸走禽飛虎聲作。荒村十家九

閉關居人坐卧驚，風鶴石田先生畫中祖。有客款
門夜談虎，客去先生繪作圖。錦毛編爛日如炬，先
生健筆萬夫雄。不畫騶虞畫戾蟲，辟諸國史名禱
杙。別抱懲奸痺惡衷，我今觀圖別有見。衆生猶讓
虎心善，請看社鼠與城狐。顛倒魅人日千變，世人
談笑可危身。翻覺山中虎易馴，善人所在虎心悟。
善人夕來虎朝渡。

七夕吳壽庭銓曹周廉堂司成葛愛陶少府

同過聽鐘山房小飲次壽庭即席見贈韻

瓜花乞巧閑庭院，滴瀝銅壺換銀箭。忽聞門外駐

高軒玉驄光耀吳門練吏部文章舉世宗筆花五色當筵絢江東公瑾本如醇縞紵依依故人戀况值長庚山右來敢辭秉燭開宵讌磨刀不必向猪羊泚齏豆粥吾家膳憶昔相逢各少年當時同訂金蘭傳後先踵武

紫宸班出者亦為文學椽頻年踪跡別離多不及雙星歲相見今朝執手坐花陰笑言自覺心相眷綠竹紅蕉四座間清談纒纒聽忘倦對酒當歌倍有神一曲繁花落如霰相期不醉總無歸興已淋漓心未饜詰朝再理舊杯盤兩家各向離亭餞

宋節婦婉仙味雪樓圖

檐外銀雲冷不流有人恤緯住瓊樓梅花與月空相守桂樹凌霜不計秋錦瑟年華經過半熒熒燈火偕昏旦瀚海曾聞噉雪人貞臣靜女應同傳

趙松雪天馬圖

道人筆掃千人陣額出驂騮自神駿教駒舊法首周官詐馬名王晉漢印武皇威德鎮天山天馬西徠進玉闕首帶香中秋萬里龍媒畢竟住天閑

燕蘭曲簡沈侍御舫西

梨園諸老散如塵今有娉婷雙壁人南國舊家依

選

茂苑西都新宅近平津。登場幻作嬋娟，拜猶是仙韶院中。派楊柳膏肢，欲泥人櫻桃。眉目真如畫，相逢不肯便通名。衆說蘭卿與燕卿，一種幽香應曠世。百般妙舞，總傾城傾國，原難得初日芙蓉。去雕飾座上，金貂問姓名。曲中粉黛，無顏色梨花槍法，似通神。况有紅樓一曲新始信，幽蘭非衆伍。轉疑飛燕是前身。曲罷殷勤致繾綣，笑酌流霞。再三勸曾共歡場鬥酒，兵敢辭醉墨評花券。由來兩美苦難降，誰謂無雙。竟有雙鑄名，並入茗華。壁寫影同歸窈窕，總百官第宅頻開宴。笙歌處處傳呼。

編繁欽風調謝莊才。當時不立秦宮，傳門外時停御史。驄蘭陵琥珀釐，千鍾醉中春色如花豔。醉裏春情似酒濃，春色春情看不足。良宵剪盡金蓮燭，願作移宮換羽人。當筵翻作燕蘭曲。

選

二鐵詩應 成親王教

軒皇截竹發奇響，誰與鑄鐵肖其象。百鍊曾經歐冶成，一聲已遇柯亭賞。朱郎弄藏寶，愛深况聞嘉侶有。銅琴鏗鉤譜出鈞天曲，不作尋常絲竹音。

右鐵笛

賢王論世表孤忠，摩挲古鐵純鈞同。戲金宛轉廿

八字想見弼士貞臣風我今顧名思其義嗟公未
遂平生志崔魏升朝楊左僂世間何事能如意

右趙忠毅鐵如意

選
題聽秋桂舫昆仲聽雨圖

蕭齋十笏掩寒碧中有聯床聽雨客元方有弟季
有兄清門文采雙珠璧憶昔鶯鳴求友時君家伯
仲寂先知家學相承一品集蕝林爭誦二難詩兩
君乘時驥足展我亦奔馳後塵殿佩鞶同遊璧水
春擘牋分詠澄江練轉燭光陰廿五年人生離合
似雲烟才子著書侯鯖錄貧官載石鬱林船維時

我稅湖湘輟兩地相望更相憶吳下懷人念古懽
湘中送客成新別邇來重聚春明道時把朋尊一
傾倒老至方知少歲難舊交總比新知好觀君此
卷重躊躇人有兄弟我獨無聲華人說東西陸急
難吾思大小蘇

選
七盤嶺記事

夜宿寧羌州朝登七盤嶺峻坂崎嶇高入雲過關
卅里無人影昨宵驛吏向我言官兵半千關上屯
如何今日驅車去匹馬隻輪無覓處鬍頭童子草
間出戟手指天向余說連日關頭曾列營旌旂蔽

日刀槍鳴朝來忽聞有賊信頃刻倉皇拔營遁我
聞國家設兵以衛民如何賊猶未至兵先奔道旁
一叟向余泣但怨官兵不怨賊官兵避賊如避雷
賊去百里兵始來賊來焚掠有餘燼官兵所過掃
地淨佩刀不斬賊人頭但入村舍屠猪牛戰馬無
芻又無豈中田羣行麥苗秀村居十室九無人繡
戶文牕推作薪承平將吏工諧笑不習戎韜習文
貌忽聞賊去心腸寬整頓弓刀迎上官上官問賊
曰小醜小醜至時大兵走

述夢

我生踪跡如飄蓬坎行艮止憑鴻濛昨宵夢赴蓬
萊宮仙人招我碧芙蓉木蘭之槎貫月同不帆不
艣行飛空滄波萬頃磨青銅星辰不動天無風鯤
遊鵬搏一瞬中忽登彼岸披蒙茸我欲問津逢海
翁謂我此是扶桑東桑麻陰翳阡陌通枌榆雞犬
如新豐人生富貴如飄風我心不樂憂忡忡綠章
草就投天公急流欲退言由衷或者思之鬼神通
寤寐來告開愚蒙邛園可貴龜筮從冥冥高舉隨
蜚鴻

徐文長玉印歌

客來贈我古玉印文長兩字朱文磷我從文苑考
姓名此人合是天池生當日倭夷冠吳越鯨鯢蟠
踞滄波窟將軍建節鎮東南伏波橫海同勛伐徐
生才調壑羣英羽檄飛書倚馬成封章草盡三千
牘秘策胸藏十萬兵頌成白鹿天應笑吟到紅袍
客盡驚一朝謠詠流九起將軍大樹飄零矣對簿
方知獄吏尊茹刀甘為田橫死破帽疲驢走九邊
武安殘客少人憐歸家落魄惟耽酒滿腹離憂欲
問天當時鑑水呼狂客此日文壇儷謫仙將軍肘
後金如斗輸此聲名萬古傳

和答法時帆學士

昔校天祿書燃藜對太一宮錦錫臣衣尚書給臣
筆一朝執策去從軍萬里馳驅馬上身釁甲韜戈
今不用

朝廷但識軍容重紛紛諸將各論功書生亦上雲
臺頌

自題藏器圖

丈夫五十不封侯腰間錦帶閑吳鉤藏器不用君
勿怪平生四海無恩仇英雄不學一人敵匣中美
蓉今繡澁藻鑑曾逢秦客相卮言空聽莊生說結

客當結虬髯公學仙當學黃石翁。傾蓋一言肝膽
盡不教纖芥留胸中。我思侯門彈鋏原非計。妙手
空空亦兒戲。誰能指揮六合烟塵清。劍戟全銷鑄
農器。

梁間燕

翩翩梁間燕。春日曾將雛。營巢主人屋。辛楣瑤瑁
檀。呢喃引其子。閒暇集坐隅。飲啄有餘樂。耦居無
猜虞。忽然感秋社。辭巢將戒途。主人喟然歎。汝往
將安徂。天涯歲將晏。百卉亦已枯。不如守舊廬。暮
景安桑榆。燕飛不反顧。主人言何迂。不見芳林樹。
子尾卑逋啞啞夜啼守故株。

巫山十二峰歌

頻年橐筆元戎幄。馬帶胡纓人劍服。往來六度此
山中。未識山靈真面目。埽盡欂櫨入
帝京。郡符一解即遄行。今朝蓬底看山色。此身暫
喜無官輕大江。滔滔東入楚雲安。三峽如門戶。涉
世方知鷗夢恬。歸人不覺猿啼苦。翠屏一峰插天
半。諸峰窈窕若為伴。鬢髯錦屏十二釵。各鬥嬋娟

選

選

鏡中看我行西蜀家東吳萬里江山入畫圖平生
覽勝興不孤巫山之奇天下無嗚乎巫山之奇天
下無

靈風觀 在巫山

蜀山萬疊塞杳冥似后導江駟六丁鑿開巫峽通
東溟雲峰十二張翠屏楚王曾此逢娉婷我今訪
古征權停攀陟危磴高矜嶺山巔叢祠竹柏青廡
門泡釘熠繁星中有神人坐明庭非妙二八侍玉
輶爐烟裊裊春晝靜時有幽鳥闕虛櫺空山無人
語鐸鈴花氣醉人午不醒不第久竹生青寧神鴉

迎客颺修翎洞房明潔塵不到靈山草木都含馨
我聞瑤姬生帝廷左右玉女給使令出入風雨走
雷霆太陰貴真自鍊形豈向濁世儕尹邢洛川有
妃湘有靈騷人微辭多不經曲士妄言亦妄聽朝
雲暮雨訛千齡我欲馳烟向山度削除舊跡鏤新
銘山靈聞言若首肯世間綺語空臆腥

瞿塘

江水出夔門兩崖束如帶吐哉濫瀕石當路轟礮
磕爾無砥柱材強欲塞其兌狂瀾不可迴徒為行
人害安得巨靈鋤去之萬古畏途一朝泰

青灘

江天殷殷儵聞雷舟人告我青灘來江中亂石若
碁布水石相激聲喧颺舟行一落忽千丈稍有不
戒如枯摧我聞古孝子九折之坂回其軌從來坦
坦幽人塗我獨何為行至此舟子粲然笑使君未
達理上灘復下灘萬舶集如市上灘有如魚上竿
下灘有如弩激矢去者自徜徉來者方未已不見
官海中無風波瀾起視此險孰多望西而笑人皆
喜人生吉祥在知止世上畏途不在是

徐州感事作

黃河之水萬里來流到海門建瓴急黃水一斗沙
七升借水刷沙古法立水急沙行緩則停斯理易
明衆所習一孔之儒多目論變更成法利不十
國家治河兼治漕漕水苦涸河苦瀑鑿通黃流入
運道以此有餘濟彼耗此議初興動一時衆論雷
同無異詞但顧近憂忘遠慮無窮流毒今始知黃
水中分勢無力下游停沙日偏側其旁流沙入運
河清水積沙亦淤塞初期兩美今兩傷謀之不臧
咎誰執君不見周斬兩文襄江南水利刊成章峰
山四閘定尺寸至今依法為宣防古人一事百世

利今人但顧目前計。要知古今不相及。但守舊章。勿輕棄彼哉。一誤已噬臍。及今補苴事非易。庶人芻蕘尚有言。我歌願告河隄使。

選

題蔣立崖四丈天遠雲歸圖

世事茫茫何日了。白雲惟有歸山好。君不見天上卿雲五色深。蕭索輪囷世共寶。幾時霖雨到蒼生。因風牽率空顛倒。何似閒雲一葉輕。山中自悅無人勦。我亦身如嶺上雲。初心願守青山老。一朝出岫本無心。欲歸未歸自煩惱。世人未解雲何心。猶羨從龍甚。天矯觀君此圖。忽棖觸話到故山歸計。

香松菊柴門亦已蕪。勞人難卜歸遲早。丁寧重與白雲期。一片野心當自保。

選

雙旌謠

雙旌搖搖辟路人。白面少年乘朱輪。道旁觀者屏氣立。云是中朝執法臣。去年治獄河南道。太守郊迎先進寶河隄。使者禮貌輕一紙封章達天表。財入縣官身戍邊。草索牽連及襁褓。今年星輅臨濟北。守令聞聲齒先擊。但願使君勿作威。不惜兼金萬千鎰。城西車馬喧如雷。騶卒傳呼使節來。肥甘充庖馬盈廐。百官旦夕趨行臺。守令入門望塵拜。

小大之獄評價賣大獄論萬小論千聽者遵依不敢懈執法之臣善弄法睚眦必報心始快濟上人家閥阨門仙李千年子姓繁富者守財貧者怨訟牘到臺達九閹米鹽凌雜家人事曲直亦煩使者論使者巡方訪風俗心知此家頗饒足弟兄通籍在金閨庫有金銀倉有粟事權在手令便行兩造銀鐺同坐獄膏梁子弟習宴安誰料一朝遭僇辱人道使君折獄明使君獄憑金重輕匹夫無罪懷璧罪至此須令豁壑盈豁壑雖深填尚易使君大慾殊難遂十萬不足五萬餘方保兩家各無事兩

家無事各無言使者歸朝報

至尊封疆大吏多闡苴微臣所讞民無冤

天子臨軒賜顏色舉朝若箇如卿直官中府中積

弊多百事皆資卿整飭從古強梁有盡時高高上

天聰則卑諧人在位千夫指中外籍籍多微詞禍

機一發不可避露雷無私待時至時至回天技亦

窮百口流離五刑脩緹騎到門妻子散狼藉金繒

堆滿地內而臧獲外田園一物以上皆入官哆囉

呪積一千版他物稱是不待言天子臨軒親決問

問汝譴張寔可恨平時歷詆衆公卿汝身何自干

國憲褫去朝衣赴東市朝士咨嗟國人喜乃兄乃
父皆賢良何緣出此不才子十載
君恩忍負心家破身亡竟如此我聞韓城王相國
曾言此人心叵測青蠅所集白壁傷不宜聽在
君王側太平宰相善知人將欲進賢先屏慝惜哉
相國老歸田坐使衣冠容鬼域御史大夫尚風采
漢廷頗重周昌在追鋒車出比匪人牽率老夫如
傀儡當時冰炭不相能此日飲章同得罪有司簿
錄饋金人重戍邊關次鬼薪豈無彌縫漏網者依
然正色列冠紳

圭峰圖為顧景岳太守作

幽人愛住湖山曲萬綠中間拓苑屋特開講肆在
名山書堂正對圭峰麓執經弟子三百人絳紗圍
繞人如玉先生心醉六經中藝林拱手推尊宿崔
子手抄八千紙李侯架度三萬軸更將餘事入吟
牋含毫日飲湖光綠憶昔金門聯步年曾校秘書
坐天祿三館人才誰最先公是當今鄭與服一麾
出守向海南歷盡大都與通谷萬里歸來文益奇
搖筆珠璣即滿幅世事白衣變蒼狗廿載光陰如
轉燭公今移家住翠微我亦城南成小築每因問

訊折疏麻片片瑤華許相續清游常拍洪崖肩博
聞共讓孝先腹振衣亭子高入雲烟霞供養平生
足安用車前擁八騶山水友朋亦清福

石門顧仲歐山人以詩見投次韻奉報

銅爐香清鼎茶熟雪花如綿壑庭竹伊人投我瑤
華篇楚然足音至空谷世事迷離春夢長白雲招
我歸山速老夫顏唐君莫嗤自古散人如散木

項秋子邀至甘遜村看桃花舟中即席分韻

得兩字

綠波如羅漲南浦社燕初歸春卓午幽人要我探

花行移舟同入桃花鵑桃花李花相開開紆紅繚
白滿園圃路轉如穿九曲珠船窓兩面花光聚是
時今節逢中和一冊農書進官府且從同井問桑
麻恰值行廚設尊俎村名甘遜遜者誰此中倘有
秦人伍緣溪不遇捕魚翁當筵自擊催花鼓噉飯
終愁悟道難孽戕不憚吟詩苦城中少年猶未知
一枝携取誇先覩人生行樂要及時明日亂紅飛
似雨

陳古華太守五十學書圖

庖犧演一畫肇植文字根書取記姓氏工拙安足

論靈光四目誕蒼頡形聲相益字乃繁佉盧沮誦
先後作儒書梵夾同根源二篆八分恣變化稽古
賴有金石存伯英草聖元常楷孤行一意成專門
六書解散古意盡筆陣乃讓山陰尊說文上宗許
叔重干祿下采顏元孫俗書姿媚出新態古文穿
鑿撫陳言今妍古拙互長短譬如北轍追南轅晉
賢格韻唐賢法我昔約畧闕其垣論書卅篇揮麈
說非敢私意妄輕軒公之書學天所授舉筆早闢
鍾王藩初求平正繼險絕手追心摹忘朝昏有時
大海飛鴻戲有時流泉渴驥奔即今人書已俱老

筆筆化作屋漏痕我聞宣尼五十始學易達夫五
十始學詩豈其少壯不努力至此乃是入妙時聖
賢造詣與年進意公書學當如斯公聞我言應莞
爾我之知公却勝公自知

金華觀鬪牛歌

我生嗜竒樂異聞採訪風俗心殷勤金華之鄉牛
善鬪父老傳說都云云涼秋八月爽天氣一樵夷
猶至其地廣場如砥十畝寬田有沮洳發縱利鳴
鉦擊鼓聲如雷東阡西陌羣牛朱紅綃繫角金飾
額一一名字標英魁植竿相對作門戶兩牛相逢

怒如虎進不能遂退不甘觀者如牆色飛舞萬人
歡笑兩牛嗔人謂游戲牛謂真牴牾既久兩不下
解紛釋結還需人嗚呼凡戲皆無益李邕鬪雞竟
成隙金籠蟋蟀買平章玩物玩人均喪德歲時洽
比鄉鄰安莫因好弄開爭端賢相停車問牛喘哲
人所戒惟游盪

二鳥

鴈有奴沙洲寂寞依寒蘆終宵巡警不敢宿他物
一觸驚先呼雉有媒一雉鳴時羣雉來此身飲啄
苟得所不顧網羅同類災嗚呼鴈何忠雉何黠物

類奸良原不一主人蓄雉不蓄鴈物性因隨主心
變主心能變是凡禽良禽至死不易心試看鸚鵡
能人語一種聰明惜毛羽繡閣文窗慘不歡終向
故山尋舊侶豈等苑簷燕雀流依人索食聲啁啾
壬申花朝與方葆巖尚書孫淵如觀察吳夢
花文學同登清涼山江光一綫閣茶話走
筆成篇

大江滔滔界吳楚兩岼名山不勝數建康城北是
鍾山龍蟠虎踞夸今古孫楚翩翩王謝流招携同
作清涼遊清涼山勢翠宛委傑閣巋然凌上頭當

關老僧拍手叫紅梅一樹迎人笑崇臺十笏凌虛
空近水遙山恣清眺六代荒淫釀禍胎臨春結綺
皆成灰惟有四禪清淨地人間風火不能災此地
東南大都會江光繞郭如衣帶地僻全除市井囂
身高始覺乾坤大座中有客多振奇巢許夔龍共
一時吳生才語雲山助方叔威名草木知雲山草
木常如此百歲憂歡一彈指纔信空門意味長登
臨不但江山美請從方外結良緣買取祇園一角
山手種梅花三百本此間風月更無邊
飲酒莫愁湖上醉中走筆成篇

龍蟠虎踞吳故都山川雄秀天下無老至筋骸不
濟勝姑携尊酒臨平湖湖邊草木連平楚烟光一
片秋模糊漁翁漁媪湖上住歲入官府輸魚租當
年靜女居城隅莫愁為字家姓盧鬱金作堂香徧
滿珍珠狼藉紅矍瑜春秋代謝日月逝綵雲易散
瓊樹枯芳魂欲招渺無迹荒涼滿日生菰蒲英雄
昔稱孫伯符孤軍一旅成伯圖伯圖未成將星落
幽房空閉喬家妹蕭家寶卷樂屠沽香車繡幃迎
玉奴巍巍青樓夾大道倏忽荆榛塞路衢黃奴燕
樂狎客俱膝上常擁張嫦娥北兵一朝渡濡須六

宮粉黛成囚，俘臙脂故井。不知處行人，訪古空踟
躕。六朝轉轂幾須臾，此侯彼虜交相瘡。不及茲湖
一勺水，風流終古稱名區。會稽太守真好事，重新
舊跡山之隅。湖上水榭為李松筠
先生守郡時所建紙窗木榻屏丹
腹，閑携賓客追清娛。朱軒一去不復返，人世光陰
如白駒。今朝風日正清美，携具到此開行厨。蘆芽
蕨筍有至味，安用炙鴿烹鳧。主人絮羹客祭酒，
對景不辭傾百觚。城樓啞啞啼暮鳥，雲房梵唱集
苾芻。夕陽在山人影散，明月如鏡當歸途。我持尊
酒向空酌，英雄兒女同嗟吁。

夜坐吟

寂寞金堂夜，蟲語仰看繁星實。如兩豐隆揚桴天，
鼓鳴靈臺太史奏。偃兵蒼鳥羣飛孰為紀，欲射貪
狼手無矢。一星倏度天河西，流光燭人如白蜺。

猛虎行

悲風起林壑，猛虎突然來。欲逃苦無路，百獸心肝
摧。虎乎虎乎，爾何求？虎與百獸非有讐，皇天畀予
殺人性。逢肉不食，涎先流。吁嗟百獸心，勿疚我有
一言為汝剖。世間灾福事，乘除豐草長林汝。樂久
騶虞麒麟不世生，牛哀物化怒未平。狐狸假威火

助虐百獸有冤何處鳴

選

題趙開仲雪江垂釣圖卷

吳江楓冷鱸魚香。人生那不思故鄉。伊人家住青
灘上。門前露白蕪葭蒼。仕宦不慕尚書郎。博士官
卑近文章。日親仲尼登廟堂。手拊琴瑟吹笙簧。官
舍去家二百里。一水如帶通舟航。欲歸不歸三徑
荒。故園咫尺遙相望。有時寄情在滄浪。空江白鷺
思翱翔。數間茆屋畫中著。笠湖萬頃青茫茫。孤舟
六幅蒲帆張。水雲深處鳴漁榔。一竿嫋嫋北風裏。
釣得金鱗三尺強。我思從子游濠梁。逍遙齊物師。

蒙莊嗟哉惠施棄我去。此願今生不可償。

觀繩伎作

百花齊放春晝長。主人醺客開華堂。犁鉏幻人百
戲集。就中繩伎尤擅長。花間百步廣場闢。觀者如
牆四圍列娉婷。少女二八年。舉頭見客顏羞澀。雙
手徐徐挽索登。翩然早在雲霄立。一竿在手如水
平。兩端繫物為權衡。誰道身同一鳥過。黃鸝紫燕
無此輕。百尺長繩兩頭繫。一進一退恣游戲。倏忽
翻身作倒懸。雙趺向天頭著地。綠毛么鳳挂花枝。
飲水猿猱引長臂。須臾騰身復向前。曲肱為枕繩

上眠海棠一枝睡未足回身化作風輪旋兩旁觀
者皆心悸當局逍遙若無事斂衣行酒到尊前未
飲先令衆心醉吾聞伯昏無人懸崖置足心帖然
人謂至人全其天瑣瑣嬰兒技乃爾前身定是肉
飛仙

選

方尚書挽詞

尚書名維向歷官
浙閩總督謚勤襄

士生宇宙間所重在知己知我非一人公先屈一
指昔公開府長安城我方分巡華陰市一言賞識
到然明萬事商量及伯始恣恣周旋甫三月我官
復向山東徙臨別情依依愛我入骨髓一話與一

言總為蒼生紀是時秦中兵火餘官倉懸磬呼庚
癸有人違道干衆譽一切征徭悉禁止余曰和糴
雖病民豐年有穀之家尚可以一朝水旱逢天災
無食貧民將餓死彼豈甘心作餓夫誠恐潢池盜
復起延綏况是古邊疆軍食尤需籌積常平糴
糴本舊章我言未終公曰唯我出秦關未十旬公
之封章已達承明矣我官緣事一朝罷公因潔養
歸鄉里我為教授至秦淮公聞我至色先喜公至
我迎門我往公倒屣談笑欲生風盤桓輒移晷縱
談天下事俛仰古今裏上籌國計下民生旁及四

裔若尺咫說鬼學蘇髯談天辯周髀携尊每相就
秉燭猶未已形骸脫畧見天真通懷樂善如流水
前年盜起燕齊間公方銜恤深閉關

天子有詔召公起公辭不就非愛閑但願手執干
戈身為士卒先不願受祿立朝班

天子鑿公誠許公歸故山公歸易衰服築室守墓
田去年三吳兩澤愆田穀不成比屋無炊烟公出
家財倡義舉義漿仁粟列市廛寒者得衣饑得食
江寧一郡忘凶年嗟公活人累千萬貧人感激富
人勸萬間廣廈蔽人難如公方遂平生願公病黃

疸非沉疴江南卑濕此疾多五月謁公入公室公
方健飯意無他渡江而北纔兩月忽傳凶問初疑
訛公竟乘雲歸大羅四海望公今則那

蔣伯生太令浚王女池獲秦碑殘字拓本見

貽走筆作長歌紀之

嬴氏燔六籍鑿石刻詔書彼廢此復興物理常乘
除嶧山之碑遭野火當時文字成灰土徐家補亡
亦贗鼎點畫雖存趣不古昔我繡衣東海來訪古
不遺輿與臺孔林豐碑若林立觀者寶愛同瓊瑰
岱宗八分亦竒絕擬諸先秦總非儕蔣侯嗜古積

成癖荒山窮谷儘搜摘。玉女池乾葑草多，草間零星積瓦礫。糞除既畢池水清，水中一片秦皇石。依稀臣斯臣去疾，一波一磔可尋繹。吉光片羽世所希，携歸尚帶莓苔碧。此物銷沈二千載，滄桑屢變今還在。奇文全仗好事傳，名迹寧為暴君挽。請君精紙佳墨拓萬本，徧遺友朋及寮采。歐趙兩家所未見，神物護持如有待。

選

桐城兩賢行

桐城有兩賢，方叔與姚叟。通經識時務，當世少其耦。秋初驚聞方叔故，秋深又得姚家訃。龍蛇運厄

在賢人，一篇感舊重新賦。先生筮仕乾隆間，日下

才名萬口傳。蓬山著作推尊宿，畫省郎官望若仙。

秋風忽念尊鱸好，神武門前掛冠早。五百門生絳

帳前，執經請業都聞道。桐城文章推兩方，百川望溪先

生。齋哉升其堂，如木從繩金受範。尺寸不肯踰短

長，我生識公晚。公意特繾綣，携杖每相過。揮塵輒

稱善，秦淮風物清且閑。尚書告寧亦在山，山中日

月不易得。我乃談笑兩賢間，彈指光陰五裘葛馬

卿。筆札君卿舌，方向西南慶得朋。誰料一朝皆永

訣，尚書騎箕歸帝旁。公亦逍遙白雲鄉，我思逝者

心悲傷笛聲悽惻如山陽

○ 挽同年伊墨卿

我年行六十故舊漸零落海內同歲生今又一個
弱揚州太守伊墨卿治郡欲奪龔黃名歸家十年
復來止朱邑不忘桐鄉情君言故山林壑美十畝
之園隔城市稻梁價賤鮭菜多三百青錢足甘旨
北望京華心不已一朝復為蒼生起古人就國當
夜行欲前不前是何以蕪城明月五回圓祖生盤
桓未著鞭白雲出岫原無意試問九原然不然我
尚叨君一歲長君胡先我歸泉壤朋友傷心父老

悲素車白馬臨江上丹旒搖搖反故閭人生到此
天何如獨留一事強人意有子仍能讀父書

○ 秋夜讀書圖為丁萼江題

空山無人秋氣清草廬有士歌商聲父有遺書子
能讀讀到蓼莪無限情窗外三竿兩竿竹琅玕相
對人如玉坐擁書城過一生當世侯王無此福

○ 卷之四園圖

一卷一勾無些子五嶽十洲從此始納得須彌芥
子中世間一切都如此閑情付與七絃琴寫出羲
皇以上心老夫無緣入此室窓間讀畫當幽尋

畫梅卷為復翁作

昔人夜泛剡溪曲不見戴公意已足好花如友在
神交執手殷勤轉近俗復翁探梅不見梅歸屬畫
師寫成幅幅中著墨初不多踈影橫斜早滿目此
花天性愛幽獨如人世外享清福花開花落幾須
臾畫裏瓊姿永不枯

趙北嵐遺像

名增山東萊陽人

巖巖泰山神州東海上日出扶桑紅山川靈氣鍾
在物其人磊落多英風趙侯與我年家誼平生肝
膽結意氣臨民慈惠信與人讀書稽古乃餘事餘

事亦與凡俗殊心愛故紙如璠璣漢碑百統著在
錄可補歐陽趙氏之所無輯成隸辨書五卷似握
金篦刮盲眼蒐羅漢印滿筐篋一一能指其來歷
精心嗜學若我侯此事已足傳千秋何況循良有
惠政古云積善必餘慶千里之輪中道摧有志無
年亦其命於戲有志無年亦其命

秋林讀書圖為徐樹芸題

幼與生性愛邱壑靜聽秋聲滿林薄清光一片大
地來此中惟有讀書樂學海無邊好問津瑯嬛福
地隔凡塵不須開徑迎三益獨抱遙情對古人

選

題瞿菊亭明府家藏范忠貞公畫壁詩草
古人事君貴致身何況身作封疆臣此詩已載說
鈴部誰料手迹今如新男兒志在雲臺上生不逢
時亦淪喪請看一曲鶴歸來故家別有忠臣樣

自題十真

我父終年常作客江海周遊無煖席不積黃金積
典墳兒讀父書多異聞教兒讀書兼讀律謂是他
年致君術蕭蕭喬木多悲風安得趨庭如畫中
熒熒一燈明白屋慈母燈前教兒讀兒書不熟母
不眠書聲刀尺聲相聯雪花如掌窓外舞為兒作

襦兼作袴一十九年母棄兒兒大受祿母不知

我家一門善琴學武陵大姊亦能作當年授我湘
妃吟一句一抹清人心既婚既宦苦行役冰絲觸
手生荆棘世無鍾生在眼前我息流波已十年

丈夫學書又學劍袖裏芙蓉夜光艷學書不成猶
自可劍術一踈將殺我英雄藏器當待時干將補
履世笑之萬人之敵如一呖當時空聽莊生說
士不遇時常骯髒十年落拓江湖上江湖落拓非
好游飢來驅人不自由桑弧蓬矢丈夫事男兒生
有四方志黃流浩蕩岱岳高壯游敢道勞人勞

太和殿前靜鞭鳴。勾臚初唱。臣姓名滿朝。公卿皆不識。

天子知臣擢第一。

御酒三盃湛露濃。

宮花一枝映日紅。路人共道登科好。微臣所志非溫飽。

神州東南盡八閩。歲星在野兆文明。恭承

嘉命輜軒止。手持玉尺量多士。回首當年矮屋中。一般燈火一般風。敢道凡夫有真鑑。此心惟恃鬼神監。

瀟湘之水瀏兮清。衡山九轉若送迎。賢人俎豆每

千載屈賈餘風。至今在清時。巖澤多菁莪。方舟所至。勤蒐羅。後生幾輩。錦標奪都道。老夫有衣鉢。

澄懷園中風日清。講帷深處聞書聲。儒臣侍從多清燕。日日虛糜大官飯。坐看花磚日影西。從容退直如雞栖。成王書畫定玉箭。

天家絕藝眼親見。

烽火連天蜀道難。世無彭韓亦可歎。健兒日夜苦相斫。書生一介參戎幕。手草軍符十萬言。功成身退歸田園。褒鄂功名滿麟閣。路人共說從軍樂。

吳孝女詩

人生忠孝非一端要在各行心所安丈夫所志在
功業亦有箕穎潛虬蟠生而有家女子願安得父
母膝下常承歡古時乃有北宮之女嬰兒子至老
不嫁貞素完姓名芬芳鄰國重載之史策長不刊
當今亦有吳孝女其事可與北宮一例看女大懷
婚姻斯事出禮官所憂女嫁父母單誰問父母飢
與寒女心念此摧肺肝女身願依父母老撤其環
瑱供盤餐父母既沒女亦老皈心淨土安蒲團此
事非可訕此心人所難我今書此表潛德載詠蛟

竦生長歎

蘇公生辰春樊舍人既集同人賦詩令子榕

疇用蘇集禁體雪詩韻賦七言古詩一篇

走筆和之

世尊拈花對迦葉軒皇鍊丹作飛雪儒者文章能
壽世誰能一手兼三絕古今獨推蘇長公丰裁不
為魔民折百世流風起頑懦三生靈氣無生滅春
樊舍人今好事歲歲詩篇恣揮掣招携素心三五
輩孽牋五色繁于纈吹簫引出雛鳳聲纚纚清辭
霏玉屑老夫見獵心亦喜醉墨欹任飄瞥主客

同心臭似蘭。犧文曾聽元儒說。繼聲多為善歌來。
賞音不讓筵賓鐵。

顧節母詩

今人。事。事。不。如。古。惟。有。婦。人。節。獨。苦。古。時。嫠。婦。多。
二。天。柏。舟。之。誓。今。人。堅。有。節。秋。竹。竿。無。波。古。井。水。
芳。聲。歷。歷。標。彤。史。武。陵。賢。母。亦。如。是。

題柳州太守徐寅哉遺像

清英邁世徐孺子。平生心迹清如水。一麾出守向
南交。蠻烟瘴雨忘賢勞。黃蕉丹荔羅池側。此中遺
愛人猶說生而正直。歿則神。柳州柳公有替人。

庭前種菊有一本而百二十花者移陳坐右

錫之以詩

秋風入林木。蛻葉秋花雖豔意。蕭瑟荒畦連塍蔣。
菊。袂。繁。枝。密。葉。迎。霜。出。十。株。百。株。縱。復。橫。中。有。一。
株。特。怒。生。繁。英。四。照。不。知。數。亭亭。修。幹。高。于。人。花。
開。更。作。好。顏。色。瓊。瑤。為。胎。中。孕。碧。回。黃。轉。綠。無。定。
姿。疑。是。媧。皇。煉。餘。石。世。傳。此。花。隱。逸。倫。亦。有。文。采。
相。鮮。新。化。工。造。物。不。擇。物。請。舉。一。盞。酌。花。神。

讀王惕甫遺集書後

嗟予弱冠時。有志在廊廟。冠者六七人。俛仰稱同

選

調就中作者誰最賢城中東王郎方少年眼中落落
無餘子所業長在班揚前班揚去人亦已遠世俗
嗜好酸醎反遨遊京國十年多驂騑終為鹽車蹇
彈鋏歸故鄉盤中首着香一官殊落拓所喜近文
章文章一代推能手少作繁華老則否積書萬卷
傳者誰舒祺最少知能守嗚呼男兒生不功名若
房魏天上修文亦無謂太元之文覆醬瓿路人但
說金張貴

奉和三松老人自焦山放船登北固山用東

坡焦山詩韻

眉山蘇公翰墨耽平生蹤跡滿江南金山焦山尤
所愛詠歌至再復至三功名笑如上竹鮎筆陣驚
如食葉蠶三松老人今好事仰希先哲洵不慙是
時三月春水生方舟游詠臨江潭海門日出六宇
霽江天一覽意已酣登山手摸瘞鶴銘稽古亦足
資清談歸舟游興尚未倦載升北固禮佛龕作歌
不辭壽陵步雖欲讓美心不甘世間萬物不在意
獨於山水性所貪惜哉筋力吾已憊欲隨杖履知
不堪安得如公濟勝具親問江邊海岳菴

題金陵捧花樓圖

我所思兮在秦淮鶯巢春柳聲啾啾中有維摩十
笏齋岑樓遥對倉山崖左林右礧結構佳當年臨
汝親安排欲往從之歲月乖安能接席傾心懷

黃復翁新刻珞球子三命消息賦成作詩見

亦戲成長句簡之

人生有命自在天世人推測多虛妄一年三百有
六旬芸芸者衆日生養幹枝有盡人無窮安能一
一推消長吾聞長平阬卒四十萬軍敗同日歸幽
壤漢皇崛起豐沛間一時將相出草莽此何其吉
彼何凶未必同生復同黨我生束髮入塾時亦有

術人論星象五行四柱人人殊其言無祿却無兩
一朝及第幸升朝鄙夷忽變成嘉獎乃知此術本
無憑言吉言凶人實迂富貴壽夭天所命凡人何
術能懸想積善降祥惡降殃古聖訓言庶不爽偶
展斯編一粲然聊貢蕪言助拊掌

西泠春泛圖為復翁題

君當晬盤時我年方毀齒每思舊事如昨辰倏然
六十春秋矣少年同學長同游不治生產治文史
前身都是老蠹魚一生心力窮故紙萱花滿庭風
日佳壽母令妻逢燕喜忽思避客出門行扁舟直

溯西泠水筆床茶竈若浮家左對孺人右稚子清
江兩岼山如畫一齊收入詩篇裏阿翁疊唱郎載
賡鶴鳴子和清音羨携歸亦我笑解頤天倫之樂
有如此蓬頭椎髻非所倫劉綱仙耦差可擬世人
生日開華筵海錯山珍薦刀匕笙歌如沸酒如泉
徒將豪舉誇鄉里瑤笈百幅徵頌言習俗相沿殊
可鄙安得如君一掃除但尋烟墨供驅使畫作西
泠春泛圖圖中人壽如川是

二月十六日黃復翁在白蓮涇積善菴舉問

梅詩社第二集

消寒消盡寒九九問梅已落梅花後此樹扶疎幾
百年窈守僧廬能耐久始覺空門歲月長滄海桑
移此不朽仲春既望風日佳招携三五同心友仍
為尋芳載酒來不辭索笑巡簷走花時雖過補以
詩著花樹老忘其醜此時花謝花神在舉酒酬花
花受愛花同作詠花人一種冷香常在口

六月十二日復翁招集同人為山谷先生壽

走筆述事

元祐才人蘇與黃敦尚風誼能文章坡公聲名冠
一世涪翁乃與相頡頏春樊舍人好儒術歲與東

坡作生日黃君今亦壽涪翁重撫畫像懸虛室寶
書翠墨几上陳坐設尊俎延嘉賓文人因緣在香
火相隔百世猶相親蘇黃當日遭讒慝當路疾之
若讐敵九州無地可容身旅死他鄉人不恤即今
著作藏名山淑艾還能變懦頑生而神明歿不朽
常在賢人俎豆間

天平山觀紅葉作

天平之山高玲瓏下有范公祖父塋十株五株老
楓樹歲久化作虬龍形涼秋九月霜華零丹黃糝
雜若繡屏故家喬木常不朽鬼神呵護經千齡我

今攜伴游林壑白雲深處籃輿停緬懷古賢發遐
想摩挲窆石觀殘銘古云人傑地亦靈萬石如笏
摩天青愛人及樹勿翦伐賢人俎豆常芳馨

海剛峰書唐人詩冊為徐師竹孝廉題

昔年見公畫乾水模山各造化今年見公書筆法
上逼開元初乃知書畫是心畫端莊剛健表公德
公之志節異凡人即游於藝亦超倫徐君何處得
此寶子孫其永寶

自題適佳舫

沙棠之楫木蘭樂八窓通明氣蕭爽安牀支竈

選

作浮家。經邱尋壑。恣游賞。我生行役。徧九州。江
淮河漢。嘗周流。乘風萬里。亦快意。浩蕩不讓滄
波鷗。二十年來。謝塵事。老去更無四方志。始知
止。是吉祥。牖下安閒。亦天賜。句吳山水。東南
美。一壑一邱。皆可喜。稍覺登臨杖履艱。一舟游
戲。煙波裏。我聞松蘇公。擇勝亭。經營意匠。手作
銘。無往不適。且住佳。我師其意。題諸程。世間萬
物。皆如寄。宦海收帆。亦非易。此中日中流。自在
行。無須更卜沙州利。

詠葦間太守齋中獅子石供

武陵太守。今清門。左啣右史。娛朝昏。徵求異物
作供養。巍然一石齋。中蹲玲瓏。嵌空出幻相。昂
藏氣象。獅王尊。嗟君何地。得此寶。天然絕無斧
鑿痕。毋乃曾抱米顛癖。故募巧匠。探雲根。姑蘇
城西。山水窟。岵嶸獅山。一卷笑。此石賦形。具體
微。向人特露權奇骨。主人聞言。粲然笑。物此物
移來自東粵。海南自昔出奇珍。山在窮荒。秀靈
發於戲壺中。九華今無迹。洞天一品。世空說。主
人愛此。當深藏。恐被巧偷。与豪奪。

漢長生無極瓦。硯為梁。荳林方伯作。

世間有物必有主。物逢其主始得所。寶硯流傳
歷幾人。即今乃入文。章府蘭泉司寇官入秦。掘
地得此瓊瑰珍。世人競尚銅雀瓦。此瓦先成四
百春。何年巧匠昆刀割。上蓋下池如吻合。封作
文房即墨侯。十二龍賓香氣發。初時藏自紀文
達。軍溪夫子重評跋。崔林先生博古家。獲此喜
逾青紫擬寄書。不憚千里程。徵及荒言作證明。
想見齋中稱石友。不數端溪鸚鵡睛。

集張蔣塘大令大滌山房題洞霄宮

昔我移家住杭州。有客邀我洞霄遊。我羈塵事

不得往。至今夢想依林邱。今觀此壺。毋乃是四
山環擁。仙人樓重簷高。與雲漢接。一徑直入松
篁幽。飛玉亭前鳴玉漱。歸雲洞口孤雲留。雙石
開扉結密室。三泉合派成靈湫。杜琛幽栖渺何
許。沖妙詩板不可求。公蓄此壺。亦何意。笑言我
是餘杭一故侯。朱邑桐鄉尚餘戀。況此奇勝眾
中尤。海內名山三十六。大滌洞天居上頭。玉宰
丹青希世寶。經營此幅瓊瑤投。雲峰石色常在
眼。宗生臥游吾願與之儔。

市中得九西堂先生遺硯詩以志感

西堂一老音塵杳。鶴栖堂外多荒草。琴書零落
散人間。片石猶存銘詞好。昔在

先皇順治年。先生姓名達天表。鈞天新樂入

禁中。

帝呼才子世間少。

仁廟徵求博學儒。詩壇耆舊知名早。東閣修文
典秘書。北門視草騰鴻藻。端溪綠玉世所珍。采
來製作文房寶。四圍糾縵雲雷紋。琢成始覺良
工巧。硯池指大一漁舟。達人寄興江湖渺。此硯
流傳歷幾人。物非其主終難保。我今與汝結為

鄰。如逢良友以傾倒。歲寒相守莫相違。伴我餘
年直到老。

久旱得雨志喜

今年夏秋雨澤稀。大田龜坼農時違。崇朝東北
雲氣起滂沱。未至心先喜。江南賦重民力艱。豐
凶所繫非等閑。樂歲人人憂不足。荒年穀勝豐
年玉皇天不忍。民阻飢一兩三日百穀滋。天心
仁愛非人加。轉歉為豐在呼吸。萬寶登場慶有
秋。高低田地一齊收。縣官租稅免敲扑。兆人共
頌

皇家福

高滄浪亭畫卷為顧湘洲題

滄浪之歌出於楚前有孺子後漁父滄浪之亭
構自宋拳山勺水即人重七百年來若旦暮昏
代興代謝名長存自古地靈在人傑此間舊事
吾能說蘇子當時闢草萊歐梅題贈詩臚列歲
久猶存一草亭衡山三字楣間揭商邱中丞來
撫吳殘山賸水重陂別
純皇省方問風俗後先六次巡江浙
翠華曾向此登臨至今

睿藻光巖穴走鳥飛四十載亭臺零落溪山
在重開生面需後賢明月清風如有待封疆大
吏多好賢葺墻繕宇仍完堅築祠環列名賢象
此中香火多因緣名賢之象何從致願子湘洲
今好事故家舊族儘蒐羅將相布衣無不備刻
石流傳自永久況有山僧任居宇歲時享祀有
常儀守令刑牲渡舉酒一邱一壑繪成畫此畫
非是文房娛桑海雖移此不朽長留文獻徵三
吳

題王齊翰勅書畫

昔賢重聰聽。聲入心相應。坐對一卷書。萬理可
印證。妙跡流傳不計年。由來画理自通禪。蘇公
言語妙天下。掃除我相全。其天聲塵既盡。天機
得課靈。叩窅探消息耳。根清靜自然。聽不須更
問兜元國。

竹堂類稿卷

七言古詩三

初春偕同人至城西積善院觀梅即癸未
初結問梅詩社地也。因置舊作韻。

老人世事十忘九。醉吟常附諸公後。今朝仍為
問梅來。不覺與花濶別久。苔枝屈曲蒼虬蟠。歷
盡冰霜心不朽。對花日念詠花人。何遜林逋堪
尚友。却為看花載酒來。提壺挈榼偕奔走。對景
吟詩漫與成。詩成不復計妍醜。一觴一詠坐花
前。山林清福同消受。歸途復遇小雲栖。忠介清

選

風在人口
題張舩山画鍾馗送子晉
終南進士名鍾馗腰間長劍光陸離平生報國志不遂死作鬼雄亦振奇魚須文竹手中持所願朝覲登天墀掃除魑魅清六合務令百族無瘡痍萊州太守神仙姿作詩上與青蓮期出其餘技託繪事神妙直以造化師偶成此畫自游戲英姿奕々生須眉吞魔食鬼是素願背負嬰媿將何之於戲積善人家有餘慶代天付與麒麟兒

季秋四日同人集池上草堂餞彭詠莪舍人分韻得小字

節近重陽秋氣清幽人草堂風日皎張筵置酒集衆賓觴酌流行四座繞紫薇舍人人中英早歲才名達天表尚書盛德著鄉邦後賢自卜箕裘紹即今身到鳳凰池萬里鵬程此其兆衰年送別尤依依才子為官定矯矯他日金鰲背上行獨立蓬萊衆山小

題韓舩家藏古研

韓公愛古性成癖齋中有研大盈尺云是當年

墨妙亭坡老題詩此遺迹零章斷句不成誦一
十六字差可識吳越勝事一時傳莘老風流常
不沒石齋先生忠孝家手引貞珉出瓦礫削成
寶研匣中藏堅似精金黝如漆旁有銘詞十二
言出自長蘆朱叟筆士身可殺不可辱特為先
賢表忠烈吁嗟乎此研流傳人幾許今歸尚書
得其所不數壺中九華峰怪石之供亦非伍前
賢遺物後賢收不啻圭璋入文府香火因緣八
百年人生安得壽如汝石非能壽藉詩傳始信
文章壽千古

五峯觀瀑畵為陸子範大令題

昔聞廬山康王谷飛流直下三千尺今觀永
康五峰畵跳珠激玉差堪匹此水疑從天上來
端知造化有靈液都君才調今機雲幽尋到此
心怡悅終朝坐對憺忘歸應教十斛塵襟滌即
今琴鶴已偕行夢魂猶在烟霞窟

余家藏東坡先生遺硯一方其側銘曰鶴

田處士之貽東坡寶之紹聖元年共十
四字又有思無邪齋四字長印背鐫東
坡笠屐像銘曰端州石硯東坡先生攜

姜唐佐瓊州人見
宋人未或可談

至海南元符三年自儋耳移廉州過瑤
持以贈余為別歲月遷流追維先生言
論邈不可即倩工鐫先生遺像為辨香
之奉云時崇寧元年十二月十九日瓊
州姜君弼謹識云：又有唐佐二字印
道光十年十二月十九日同人集五柳
園慶坡公生日日出此硯賦長歌并索
諸君子同賦

文房有四寶惟硯靜而壽亦須所主得其人庶
使鬼神常保佑東坡先生謫南海初非其罪權

奸構父子伶仃萬里行廟堂無人援手救彼土
偏多好賢者所至情親若婚媾思無邪齋一片
石紫雲出自端溪竇云是紹聖改元初鶴田處
士手親授鶴田先生是誰氏姓名未著文章面
想亦當時大雅流與公夙契如蘭臭嗟哉紹聖
歷元符任用奸回屏耆耇此硯從公到海南功
在文章啓荒陬儋州量移至廉州稍喜朝廷詔
寬宥姜生唐佐海外才偶在中途相邂逅留得
蘇家片石存什襲巾箱子孫守其背鐫成笠屐
岳須眉奕々如親覲我今得此置座右款識分

明墨花繡嗜古懷賢此一心雖予千金不屑售
目思括宗御極時國家黜陟何其謬強指名賢
作奸黨黨人之碑表元祐不及窮荒僻壤人解
奉賢人在俎豆一硯流傳七百年常使珍藏若
瓊琇

選
題頌山瓢刺史遺像

憶昔官西川馳駟戎馬場短衣匹馬三五輩維
君与我生同鄉維時歲在嘉慶初黑山有賊方
跳梁秦楚与羅蜀三大帥分統貔虎駭豺狼朝
行秦隴暮蜀道風飡露宿莫或違區區文吏親

武事亦與駟介同翺翔山深月黑不知路馬蹄
得：隨班行左佩弓刀右橐筆時參帷幄說短
長熒：一燈青廬下軍書堆案費推詳百函草
畫枚舉椽一錢不留趙壹囊出生入死事呼吸
冊儕幾輩成國殤烟塵既清干戈息草就捷書
達未央絳灌歸朝賓客散此事倏經三十霜彼
同袍者各臺省惟君白首猶為郎坐守一州如
斗大未隨鴛鴦登廟堂一官浮沉魚上竹功名
不達身歸藏投筭對面若疇昔須眉宛在人云
亾既傷逝者行自念長歌當哭心悲傷

題祝竹溪司馬廣陵觀潮圖

百川之水東南注，龕山赭山作門戶。會稽通守借高才，暫於羅刹江頭住。觀水有術，觀其瀾字。宙舍此無大觀，枚乘七發吾曾讀。如此文章，繼亦難。

題梁莖林方伯目送歸鴻圖

道光歲辛卯，霖雨秋為災。江淮水並漲，膏壤成汙萊。滄海揚波百川溢，田疇不辨阡與陌。龍蟠虎踞金陵城，平地水深四五尺。天祐吳都成福地，四野哀鴻袞袞至。誰與援手拯其危，幸有仁

人在高位，高位仁人衆。所依心如已溺，與已飢金錢百萬傾，囊出餓者得食，寒得衣，邦人共知為善樂。在上一呼，下百諾。仁粟義漿相繼起，頓使窮黎免溝壑。臘盡春回萬象新，行人無恙反榆枌。請看扶老兼攜幼，一路歡聲頌使君。

朱碧山銀槎歌和桂舫司寇詩韻

萬事不如杯在手，人生合歡惟有酒。種梅書屋集衆賓，繁殺出厨旨。且有乍寒乍暖，麥秋天主人與客皆忘年。手出古器勸客飲，巧匠幻作乘槎仙。此槎輪囷不盈尺，此仙猶戴漢巾幘。似是

當年博望侯以銀鑿成費推拍此器流傳歷歲
時主人好古乃得之客非大户那堪此欲飲未
飲心矜持真一方傳蘇玉局酒悲曾有嘉王笑
醉鄉人物致不同朱生作此將誰屬異事空傳
拾遺記嘉名可補宣和錄應配蘇家藥玉舟離
竒其貌虛其腹攜來玉友泛金焦嗜酒揚雲善
解嘲守器當如考父鼎愛人不棄許由瓢吾儕
一月一相邀白波卷處行如潮釣詩有釣詩益
富掃愁有帚愁自消

兼山招集同人於逸園作賞花之會漫成

長句紀事效柏梁體

六月將盡天蘊隆我心憚暑方忡：逸園主人
折簡通招我賞花飲碧筍方池如鏡磨青銅妙
蓮花發迎薰風千枝萬葉露氣融紅情綠意賞
不窮主人愛蓮茂如造化亦助栽培功一邱
一壑結構雄高臺曲廊環石砌平橋通步若蝦
蟻客來如入水精宮虛堂面水地十弓楹間畫
史萬卷充喬林雜植椿杉桐左梅右桂新成叢
水軒適在蓮葉東竹溪六逸集此中花氣隨風
入簾櫳萬花中間繫釣蓬輕條出水行若空竹

裡行厨蓋有餽繁殺兩集旨且豐醉中豪氣如
長虹明朝絡繹傳詩筒新詩滿壁徵紗籠就中
作者誰寂工初日芙蓉思謝公

典裘自嘲

柴米油鹽茶醬醋開門七件為先務主人應付
若少遲膳夫爨婢紛來訴我生不解談治生纔
學持籌觸手錯一錢不留趙壹囊王衍口中絕
阿堵誰料殘年更食貧一日三餐費調護古帖
頻撫乞米書敝裘又質長生庫青蚨天外不飛
來黃金地下無人鑄室人縱無交謫聲無米作

炊手難措始覺凶年謀食艱翻思少歲輕財誤
我聞眉公致富有奇書揚子逐貧曾作賦縱使
文章果有神天公未必肯回顧行愁坐歎亦何
裨不如自守葷瓢素東鄰西舍竈無煙我比黔
婁尚饒裕

紀異

道光甲午秋皇天久不雨農夫望雲霓擊鼓祀
田祖七月既望又一旬焚輪之風來海濱雷聲
號、電煜、大雨如注夜向晨山中潛蛟乘勢
出鯨鯉穿山裂山石百川沸騰高岬崩平地水

深四五尺東鄰西舍囂如雷雕墻峻宇多傾頽
貧家頃刻無安土婦孺流離良可哀我聞伐蛟
之令禮所設故相陳公謙曾著說山中有地不
積雪其下即是藏蛟穴及其未成早鏟除免使
異物擾民居寄語當今牧民者凡事有備方無
虞

湖田煙雨菑為藍小詹刺史題

虞山去郡纔百里而我一生未嘗至君曰就養
至子舍乃愛湖田風景異興之所會不能忘繪
菑作詩志其事心知此鄉不久留聊寫雪中鴻

爪意

定慧禪院蘇文忠公新祠落成感賦

公生歷今八百年而我今年亦八十木地方公
百不如世壽居然十之一仁宗御宇世昇平歲
在丙子公始生眉山草木盡枯死山川靈秀鍾
奇英公之登朝纔弱冠鴻文潤色卿雲旦帝曰
他年宰相材太平事業資襄贊誰料熙寧事變
更舉朝水火日紛爭元祐元符多反覆嗟公橫
被黨人名章蔡之徒人不齒維公俎豆賢人裏
由來定論蓋棺存始信賢人長不死公昔生辰

在磨蝎嗟予賦命同其厄笑彼襟裾牛馬徒一枚腐鼠逢人嚇

方伯陳公祈雪得雪作喜雪詩二首分用

歐蘇兩文忠詩韵因依韵和之

春風未破梅花萼晴日曛：滿林薄今年吳下大有年農歌四野歡聲作大府愛民如愛子一片精誠感寥廓嘉平既望天氣佳明月在天光閃爍須臾萬里布同雲六花飛舞隨車落但喜應候除蝗蝻不憚衝寒擁狐貉天上玉龍恣游戲瑤瑤方盤攫預知富歲多黍稌且使餘糧

及鼠雀鄙人對此興不淺詰朝便蠟尋詩儔城東新築蘇公祠是日官民正同樂和公之詩介公壽一盞寒泉和親滄千秋香火寄禪林一點靈光通冥漠豈無錦幃羔酒流賦詩豪氣夸穉槩舉似賢人胞与心瑣：不堪供一喙

右用歐陽公詩韵

北風獵：吹林葉四野人心方望雪靈臺報瑞尚無聞疆吏憫農正愁絕願天請命為祈年滕六監此心先折柳絮回風句乍成蝗蟲入地灾先滅臘盡春回歲漸闌九：消寒尚未掣山頭

雲^氣翁如蒸屋上冰花綉如纈始信天公玉戲奇
一時徧地瓊瑤屑錦囊淥句手頻叉銀海生花
眼同瞥作詩遙和聚星堂歐蘇故事今重說善
歌自有繼聲人八音相應楚賓鐵

右用蘇公詩韵



